



證治準繩

外科 卷之二下



內閣文庫	
番號	漢 12548
冊數	80 (25)
函號	301 61



乳香膏

治諸瘡痛久不瘥

乳香

壹兩 別研

食鹽

松脂

杏仁

去皮尖研 各壹兩半

生地黄

取汁 參合

白羊腎脂

半斤

黃蠟

兩 參

右先熬脂令沸下杏仁地黄汁蠟

煎藥臘

熔盡入香鹽松枝煎以柳筆攪令勻稀稠

得所磁盒盛

瘡上日三二度

又乳香膏

木鱉子

去殼 細剉

當歸

各壹兩

柳枝

貳捌寸寸 剉同以清

油肆兩煎令 黑色次用後

乳香

沒藥

各半兩

白膠香

明淨者肆兩同研細入 油煎化用綿子濾之

江蘇省立圖書館



右煉藥鐵銚令極淨再傾前藥油蠟在內候溫入
黃丹壹兩半以兩柳枝攪極得所再上火煎不住
手攪候油沸起住攪注在水中成珠不散為度秋
冬欲軟春夏欲堅傾在水中出火毒搜成劑收之
戴院使云有不傳藥時大痛傳即不痛有不傳藥不
痛傳之則痛蓋寒熱風濕并憂怒等氣積而內攻則
痛不禁藥拔出之故不痛也死血陰毒在中愈伏愈
深愈不覺痛藥發之於外故反痛也

○出血

薛瘡瘍出血因五臟之氣虧損虛火動而錯經妄行
也當求其經審其因而治之若肝熱而血妄行者四
物炒梔丹皮苓朮肝虛而不能藏血者六味地黃丸
心虛而不能主血者四物炒連丹皮苓朮脾虛熱而
不能統血者四君炒梔丹皮若脾經鬱結用歸脾湯
加五味子脾肺氣虛用補中益氣加五味子氣血俱
虛用十全大補陰火動用六味丸加五味子大凡失
血過多見煩熱發渴等證勿論其脈急用獨參湯以
補氣經云血生於氣苟非參芪歸朮甘溫等劑以生
心肝之血決不能愈若發熱脈大者不治凡患血症
皆當以犀角地黃湯為主 翰林屠漸山年四十患

濕毒瘡疾誤用輕粉之劑虧損元氣久不能愈一日
將晡之際診之肝脉忽洪數而有力余曰何肝脉之
如此侵晨瘡出黯血三四碗體倦自汗雖甚可畏所
喜血黯而脉靜余曰此輕粉之熱血受其毒而妄行
輕粉之毒亦得以泄邪氣去而真氣虛也當急用獨
參湯主之余重其爲人體恤甚篤但惑於他言不果
致邪氣連綿不已惜哉 一人背瘡出血煩躁作渴
脉洪大按之如無此血脫發躁用當歸補血湯二劑
少愈又以八珍加黃芪山梔數劑全愈 一婦人潰
後吐鮮血三碗許余用獨參湯而血止用四君熟地

芩歸而瘡愈此血脫補氣陽生陰長之理也若用涼
血降火沉陰之劑脾土生氣復傷不惟血不歸源而
死無疑矣 一老婦手大指患疔爲人針破出鮮血
手背俱腫半體皆痛神思昏憤五日矣用活命飲始
知痛在手瘡勢雖惡不宜大攻再用大補劑又各一
劑外用隔蒜灸喜此手背赤腫而出毒水又各一劑
赤腫漸潰又用托裏藥而瘡 南儀部賀朝卿陞山
西少叅別時余見其唇鼻青黑且時搔背問其故曰
有一小瘡耳余與視之果疽也此脾胃敗壞爲不治
之證余素與善悲其途次不便殯斂遂托其僚友張

東沙輩強留之勉與大補但出紫血虛極也或謂毒熾不能為膿乃服攻毒藥一鍾以致嘔逆脉脫果卒於南都 愈憲張碧崖腰患疽醉而入房脉洪數兩尺更大余辭不治將發舟其子強留頃間吐臭血五六碗余意此腎經虛火而血妄行血必從齒縫出將合肉桂等補腎制火之藥各用確別煎熟聽用血止拭齒視之果然遂合一鍾冷服之熱渴頓止少頃溫服一鍾脉細欲脫氣息奄奄得藥則脉少復良久仍脫其子疑內有膿欲刺之余曰必無乃以鴛翎管維內果如余言次日脉脫脚寒至膝腹內如冰急用六

君加薑附腹始溫膿始潰瘡口將完彼因侍者皆愛妾又患小便不通此陰已痿而思色以降其精精內敗不出而然耳用加減八味丸料加參芪白朮一劑小便雖愈瘡口不斂而沒

東垣聖愈湯 治諸惡瘡血出不止以寒水石細末摻之立止或瘡時作黑色不可潰也藥力去盡却紅和如血出多而心煩不安不得眠睡此亡血也此湯主之

熟地黄

生地黄

當歸身

川芎

黃芪

人參

錢 各參 壹錢 貳錢 伍分 參分

濟生犀角地黃湯

右吹咀都作一服水壹盞半煎至壹盞去滓稍熱服無時按此方參芪與歸地輕重懸殊必有訛也

濟生犀角地黃湯 治胃火血熱妄行吐衄或大便

下血者

犀角 鎊末

生地黄

赤芍藥

牡丹皮 各壹錢半

升麻

黃芩 炒各壹錢

右水煎熟入犀角末服

若因怒而致加山梔柴胡若脾氣虛而不能攝用歸脾湯若肝脾火動而妄行用加味道遙散若脾氣虛而不能統用補中益氣湯加炮黑乾薑若血

虛有火而妄行用四物加炮薑若腎經虛火而血

妄行用六味丸料不應急加肉桂以引虛火歸源

獨參湯 治一切失血或膿水出多血氣俱虛惡寒

發熱作渴煩躁蓋血生於氣故血脫補氣陽生陰

長之理也用人參貳兩棗拾枚薑拾片水煎徐徐

服

托裏消毒散加減法 膿多帶赤血虛也去金銀花

連翹白芷三味加歸地參朮如不應暫用八珍湯

加牡丹皮 忿怒晡熱而出血肝火血虛也去三

味加牡丹皮炒黑山梔熟地如不應暫用八珍湯

下血

九

送六味丸 面青脇脹而出血肝氣虛而不能藏血也去三味加山茱山藥五味子如不應兼六味丸 食少體倦而出血脾氣虛而不能攝血也去三味加參朮歸地兼鬱怒少寐更加遠志酸棗仁 茯苓神龍眼肉如不應暫用歸脾湯

○瘡僵肉

梅治背瘡肉長疾皮不及累見風即成殭以寒水石燒研為細末傅瘡上再用銅綠細末上之肉即不作殭矣

○瘡變急牽陰入腹

圖經古方療惡瘡癰腫或連陰髀間疼痛急變牽入小腹不可忍一宿則殺人者用茴香苗葉搗取汁壹升服之日三四用其滓以貼腫上冬中根亦可用此外國方永嘉以來用之起死神效

○咽喉口舌生瘡

精要犀角膏 治咽喉口舌生瘡昔有一貴人因疽而生此證醫者以為心臟絕盡皆辭退愚進此藥一日而安

真琥珀 研

生犀角 各壹錢 辰砂 研

茯苓 貳錢 去木各

真腦子 研壹字 人參 去蘆

酸棗仁 去皮研 各貳錢

右人參茯苓神犀角為細末入乳鉢內別研藥味和勻用蜜搜為膏子以瓷瓶收貯俟其疾作每服壹彈子大以麥門冬去心濃煎湯化服一日連服五服取効 此方潰瘍不宜用

○大便秘結

薛東垣先生云瘡瘍熱毒深固嘔哕心逆發熱而煩脉沉而實腫硬木悶大便秘結此毒在臟宜疎通之故曰疎通其內以絕其源又曰瘡瘍及諸病面赤雖伏火熱不得妄攻其裏而陽氣拂鬱邪氣在經宜發表以去之故曰火鬱則發之凡大便不通飲食雖多壯腹不脹切不可通若腹痞脹而不通者乃直腸乾涸也宜用豬膽汁導之若腸胃氣虛血涸而不通者宜用十全大補湯培養之若瘡症屬陽或因入房傷腎而不通者宜用前湯加薑附回陽多有得生者經云腎開竅於二陰藏精於腎津液潤則大便如常若潰瘍有此因氣血虧損腸胃乾涸當大補為善設若不審虛實而一於疎利者鮮有不誤 一人仲夏患發背黯腫尺餘皆有小頭如鋪黍狀四日矣此真氣虛而邪氣實遂隔蒜灸服活命飲二劑其邪頓退乃

虎而邪氣實遂隔蒜灸服活命飲二劑其邪頓退乃

純補其真又將生脉散以代茶飲倉邪天退余因他
往三日復視之飲食不入中央死肉大便秘結小便
赤濁余曰中央肉死毒氣盛而脾氣虛也大便秘不通
腸虛而不能傳送小便赤濁脾虛而火下陷治亦難
矣彼始云莫非間斷補藥之過予曰然乃急用六君
子加當歸柴胡升麻飲食漸進大便自通外用烏金
膏塗中央三寸許四圍紅腫漸消中央黑腐漸去乃
敷當歸膏用地黃丸與前藥間服將百劑而愈一
男子腿患癱因服尅伐虧損元氣不能成膿余為托
裏而潰大補而斂但大便結燥用十全大補湯加麥

門五味而潤月餘仍結惑於人言乃服潤腸丸而瀉
不止余用補中益氣湯送四神丸數服而止

潤腸丸 治脾胃伏火大腸乾燥或風熱血結宜用

此丸通之若結在直腸宜豬膽汁導之蓋腎主五
液開竅於二陰若津液滋潤大便通調若津液不
足脾氣虧損必當培補猶忌前藥

麻子仁

桃仁

去皮尖
各壹兩

羌活

當歸尾

大黃

煨

皂角刺

秦光 各伍錢

右各另研為末煉蜜或豬膽汁丸桐子大每服叁

肆拾丸白湯下若使豬膽汁導之而不結燥急補元氣

○大便瀉利

薛瘡瘍大便泄瀉或因寒涼尅伐脾氣虧損或因脾氣虛弱食不尅化或因脾虛下陷不能升舉或因命門火衰不能生土或因腎經虛弱不能禁止或因脾腎虛寒不能司職所主之法若寒涼傷脾用六君加木香砂仁送二神丸脾虛下陷用補中益氣送二神丸命門火衰用八味丸料送四神丸腎虛不禁用薑附湯加吳茱萸五味脾腎虛寒用參附湯送四神丸病機云脉沉而細身不動作睛不瞭瞭飲食不下鼻準氣息者薑附湯主之身重四肢不舉者參附湯主之仲景先生云下痢腸鳴當溫之脉遲緊痛未止當溫之大孔痛當溫之心痛當救裏可與理中附子四逆輩精要云癰疽嘔瀉腎脉虛者不治此發內經之微旨也凡此實難治之症如按前法治之多有可生者一婦年踰四十背疽不起發泄瀉作嘔食少厥逆脉息如無屬陽氣虛寒用大補劑加附子薑桂不應再加附子二劑瀉愈甚更以大附子薑桂各叁錢參芪歸朮各伍錢作一劑腹內始熱嘔瀉乃止手足

漸温脉息隨復更用大補而潰再用托裏而斂十年後仍患脾胃虛寒而歿

加減托裏消毒散 治飲食少思腸鳴腹痛腹冷泄瀉乃脾氣虛寒也去芷翹銀花加炮薑木香手足

逆冷脾血虛寒也更加附子煎送四神丸

和氣散 治癰疽潰後氣虛滑泄四肢逆冷

蒼朮 肆兩米泔浸三日洗淨晒乾 甘草 炙

青皮 去穢各壹兩 良薑 炒 肉桂

乾薑 炮各半兩 陳粟 半升

右七味為末每服壹錢用炒茴香末半錢相和温

酒調下不拘時 按此但有燥温耳無補氣藥非氣虛者所宜

四神丸 治脾腎虛弱大便不實飲食少思或小腹

作痛或產後泄瀉肚腹作痛不思飲食

肉豆蔻 五味子 各貳兩 補骨脂 肆兩

吳茱萸 湯浸炒壹兩

右為末別以水貳碗生薑捌兩煮紅棗壹百個熟

爛去皮核用和末為丸桐子大每服伍柒拾丸空

心食前白湯下

二神丸 治脾腎虛寒不思飲食或侵晨五更泄瀉

或飲食少思大便不實其功甚効如不應乃命門

火衰急服八味丸補火而生土

破故紙

肆兩炒

肉豆蔻

貳兩生用

右為末用大紅棗肆拾枚生薑肆兩水煮熟去薑
取棗肉和藥丸如桐子大每服伍拾丸空心鹽湯
送下

○小便淋瀝頻數

薛瘡瘍小便淋瀝頻數或莖中澇者腎經虧損之惡
症也宜用加減八味丸以補陰足脛逆冷者宜用八
味丸以補陽若小便頻而黃者宜用四物湯加參朮
麥門五味以滋肺腎若小便短而少者宜用補中益

氣加山藥麥門五味以補脾肺若熱結膀胱而不利
者宜用五淋散以清熱若脾氣燥而不能化者宜用
黃芩清肺飲以滋陰若膀胱陰虛陽無以生者宜用
六味丸若膀胱陽虛陰無以化者宜用滋腎丸腎虛
之患多傳此症非滋化源不救若用黃檗知母反瀉
其陽以速其危若老人陰痿思色精內敗莖中痛而
不利者用加減八味丸加車前牛膝不應更加附子
多有復生者若精已竭而復耗之大小便中牽痛愈
痛則愈便愈便則愈牽痛以前藥加附子亦有復生
者王太僕云無陰則陽無以化無陽則陰無以生當

滋其化源苟專用淡滲復損真陰乃速其危也 職
 方王葯塘背疽潰後小便淋漓或時自遺作渴引飲
 煩熱不寐瘡口焮赤時或如灼時或便遺余曰此腎
 虛之惡症用加減八味丸加麥門數劑而痊 駕部
 林汝玉冬不衣綿作渴飲冷每自喜壯實晒余衣綿
 診其脉數大無力余曰至火令當求余也三月間果
 背熱便悶肌澁用四物加苓連山梔數劑大便稍和
 却去苓連加參朮茯苓二十餘劑及前丸半斤許渴
 減六七背熱亦退至夏背發一疽純用托裏之劑而
 歛

托裏消毒散加減法 莖中痛而小便不利精內敗
 也去連翹白芷金銀花三味加山茱萸山藥澤瀉
 如不應佐以六味丸 愈便則愈痛愈痛則愈便
 精復竭也去三味煎送六味丸 食少體倦口乾
 飲熱小便黃短脾肺虛熱也去三味加五味子山
 茱萸如不應暫用六味丸 勞役而小便黃元氣
 下陷也去三味加升麻柴胡 午後小便黃短腎
 虛熱也去三味加升麻柴胡煎送六味丸
 黃芩清肺飲 治肺經陰虛火燥而小便不通若因
 脾經有熱當清其脾若因心火尅肺當制其心

卷一百一十五 小便問數 小科一

二

黃芩 壹錢

梔子 叁枚打碎

右水煎服

滋腎丸

治腎經陰虛發熱作渴便赤足熱腿軟等

證凡不渴而小便秘熱在下焦血分也最宜此藥

經云無陰則陽無以化若脾肺燥熱所遺當滋其

化源

知母

黃檗 各酒炒 壹兩

肉桂 貳錢

右為末水丸如梧桐子大每服百丸空心白滾湯

下

五苓散 治下部濕熱瘡每小便赤少

澤瀉 貳兩伍錢

豬苓 去皮 壹兩半

肉桂 柒錢半

白朮

赤茯苓 各壹兩伍錢

右為細末每服壹貳錢熱湯調下

清心蓮子飲

治膀胱氣虛濕熱玉莖腫痛或莖竅

瀉滯口苦咽乾小便色赤或白濁夜安靜而晝發

熱

黃芩

麥門冬

地骨皮

車前子

炙甘草 各壹錢半

石蓮肉

白茯苓

黃芪

柴胡

人參 各壹錢

右水煎服

五淋散 治膀胱有熱水道不通或尿如豆汁或如沙石或如膏汁或熱沸便血

赤茯苓 壹錢

赤芍藥

山梔 各貳錢

當歸

甘草 各壹錢

右用燈心貳拾根水煎服

清肺飲 治渴而小便不利乃肺經有熱是絕寒水生化之源宜用此藥以清化源其水自生而便自利矣

茯苓 貳錢

豬苓 叁錢

澤瀉

琥珀

藿麥 各伍分

通草 陸分

木通

篇蓄 各柒分

車前子 壹錢

燈草 壹分

右為細末每服伍錢水煎服

腎氣丸 治腎經陽虛陰無所化以致膀胱淋漓或脾肺氣虛不能通調水無所化而膀胱癢閉或腎氣虛熱干於厥陰之絡陰挺痿痺而溺頻數或腎水虛弱陰虧難降使津液敗濁而為痰水又治腎虛便血及諸見血發熱自汗盜汗等症之聖藥也
即六味地黄丸

琥珀散 治諸般瘡癰表裏有熱小便赤澀

白茯苓 茵陳

紫草 瞿麥 茅根

石韋 烏藥 琥珀

連翹 車前子 各等分

右為極細末每服貳叁錢用燈心湯調下不拘時
候

瞿麥散 治癰疽發背排膿止痛利小便

桂心 赤芍藥 當歸

黃芪 芎藭 瞿麥

白歛 麥門冬 去心 各等分 赤小豆 壹合 酒浸炒乾

右咬咀每服肆錢酒煎溫服如諸癰已潰未潰瘡

中膿血不絕痛難忍者加細辛白芷白歛薏苡仁

○頭痛眩暈

托裏消毒散加減法 初腫頭痛發熱邪在表也加

川芎羌活若外邪在表而元氣實者暫用人參敗

毒散 頭痛惡寒表虛也去金銀花連翹加參芪

體倦頭痛或眩暈中氣虛也去三味加柴胡升

麻如不應暫用補中益氣湯加蔓荊子 日晡頭

痛或眩暈陰血虛也去三味加熟地黃如不應佐

以六味丸 夢泄遺精頭暈頭痛或痰喘氣促腎
虛不能納氣也去三味併川芎佐以六味丸如不
應大虛寒也用八味丸

○煩躁

托裏消毒散加減法 面目赤色煩熱作渴脉大而
虛血脫發躁也去三味加黃芪當歸如不應暫用
當歸補血湯 身熱惡衣欲投於水脉沉微細氣
脫發躁也去三味加肉桂附子如不應暫用附子
子理中湯

○自汗盜汗

托裏消毒散加減法 善思體痛無寐盜汗脾血虛
也去三味加茯苓遠志酸棗仁圓眼肉如不應暫
用歸脾湯 寢寐而汗出腎氣虛也去三味加五
味子煎送六味丸 飲食而汗出胃氣虛也去三
味加參芪歸朮五味子如不應暫用六君子湯
睡覺飽而出盜汗宿食也去三味加參朮半夏如
不應暫用六君子湯

○多痰

托裏消毒散加減法 胸滿多痰脾氣虛也去三味
加桔梗半夏如不應暫用六君子湯加桔梗枳殼

肺熱多痰脾血虛也去三味加歸地參朮如不應暫用六君子湯加芎歸熟地咳嗽唾痰腎虧津液泛上也去三味加山茱萸山藥熟地如不應佐以六味丸

○喘急

癰疽喘急恍惚嗜卧此心火剽肺金宜用人參平肺散

人參平肺散

桑白皮炒

知母米分炒

杏仁去皮尖炒

地骨皮

紫蘇

橘紅

半夏薑製

茯苓

青皮

人參各壹錢

五味子貳拾粒炒杵

甘艸炙五分

作一劑水貳鍾薑參片煎捌分食遠服

薛按此方理氣清肺化痰之劑若肺脉洪數無力者宜用若兼發熱作渴脉洪數有力者宜用如金解毒散此證火尅金為惡候面赤者亦不治

○胸痞

托裏消毒散加減法 忿怒胸痞肝氣滯也去三味加桔梗山梔如不應暫用補中益氣湯加桔梗枳殼 倦怠胸痞中氣虛也去三味加參朮茯苓如

不應暫用八珍湯加柴胡

○目斜視上

癰疽目斜視上黑睛緊小白睛青赤肝挾火邪宜用瀉青丸

瀉青丸方

當歸 酒拌

川芎

山梔仁 炒

羌活

草龍膽 酒拌炒

防風

大黃 酒拌炒各等分

右為細末煉蜜丸鷄頭實大每服壹丸煎淡竹葉湯化下日進二三服如瀉去大黃加荆芥或用黃

連瀉心湯一二劑亦可

薛按前症七惡中之三惡也若肝脉弦緊洪數者最當亦有目視不正睛不瞭瞭脉微或浮者乃真氣虛也宜用大補之劑夫瀉青者瀉肝經之火邪也肝屬木其色青故耳

○四肢沉重

胃苓湯

蒼朮 米泔浸炒貳錢

厚朴 薑製

陳皮

甘草 炙

白朮 炒各壹錢

茯苓 壹錢

澤瀉

木香

白芍藥 炒各壹錢

官桂 五分

淡竹葉 貳拾片

作一劑水貳鍾薑參片棗貳枚煎八分食前服

按前證七惡中之五惡也服而若脾氣醒濕氣除
宜用參苓白朮散之類多服恐導損津液

參苓白朮散

人參

茯苓

白朮 炒

蓮肉 去心

縮砂仁 炒杵

薏苡仁 炒

山藥 各貳兩

桔梗 炒

甘艸 炙

白扁豆 去皮薑汁浸炒各壹兩

右為細末每服貳錢用石苜蒲煎湯調下

○寒熱往來

托裏消毒散加減法 口苦寒熱往來肝火血虛也

去三味加柴胡熟地 因怒寒熱往來肝火氣虛

也加柴胡黃芩如不應暫用八珍湯加炒山梔炒

酸棗仁酒炒黑龍膽草 體倦寒熱往來肝脾氣

滯也去三味加參芪歸朮如不應暫用補中益氣

湯 內熱晡熱或寒熱往來陰血虛也去三味加

芎歸牡丹皮柴胡如不應暫用八珍湯加牡丹皮

畏寒或寒熱往來胃氣虛也去三味加參苓白

朮升麻如不應暫用補中益氣湯 脇痛痞滿或

寒熱往來肝氣滯也去三味加青皮木香如不應
屬氣血虛也更加芎歸參朮 若婦人勞役恚怒
或適經行發熱譫語或夜間熱甚乃熱入血室也
去三味加生地丹皮柴胡如不應暫用加味四物
湯

○厥逆

加減托裏消毒散 治四肢逆冷乃腎氣虛寒也去
三味加桂附仍佐以八味丸

○面目浮腫

癰疽聲嘶色敗唇鼻青赤面目浮腫宜調胃白朮散
調胃白朮散方

白朮 炒

茯苓 各貳錢

陳皮

白芍藥 炒

檳榔

澤瀉 各壹錢

木香 五分

作一劑水貳鍾薑參片煎捌分食後服如腫不退

加白朮 炒 枳實 炒各壹錢

薛按前症乃七惡也用此方若濕除氣少退用六
君子湯參苓白朮散之類大便不實尤効再用檳
榔木香恐傷真氣也亦有真氣虛而致前症者尤
不宜用二藥

○陽氣脫陷

薛瘡瘍陽氣脫陷或因尅伐之劑或因膿血太泄或因吐瀉之後或因誤而入房若發熱頭痛小便淋瀝或滑數便血目赤煩喘自汗發熱氣短頭暈體倦熱渴意欲飲水投水惡寒憎寒身熱惡衣易手擲足汗出如水腰背反張鄭聲不絕此無根虛火之假熱症若畏寒頭痛咳逆嘔吐耳曠目矇小便遺難瀉利腸鳴裏急腹痛玉莖短縮冷汗時出齒牙浮動肢體麻痺或厥冷身痛或咬舌齒唇舌根強硬此陽氣脫陷之真寒證皆勿論其脉勿論其瘡但見一二急用參

附湯補之多有復生者大凡潰後勞役元氣虧損或夢遺精脫或滑數便血或外邪乘之或誤用寒涼氣血脫陷而致斯症治以前藥亦有復生者 內翰楊臯湖孟夏患背疽服尅伐之劑二旬餘矣漫腫堅硬重如負石隔蒜灸五十餘壯背遂輕以六君加砂仁二劑涎沫涌出飲食愈少此脾虛陽氣脫陷劑用溫補反嘔不食仍用前藥作大劑加附子薑桂又不應遂以參芪各壹斤歸朮陳皮各半斤附子壹兩煎服三日而盡流涎頓止腐肉頓潰飲食頓進再用薑桂等藥托裏健脾腐脫而瘡愈矣 少叅史南湖之內

夏患疽不起發脉大而無力發熱作渴自汗盜汗用
參芪大補之劑益加手足逆冷大便不寬喘促時嘔
脉微細按之如無惟太衝不絕仍以參芪白朮當歸
茯苓陳皮計斤許加附子五錢水煎兩鍾作一服諸
證頓退脉息頓復翌日瘡起而潰仍用前藥四劑後
日用托裏藥調理兩月餘而消 一婦卧牀十三年
矣遭回祿益加憂鬱明年三月右肩下發一塊焮腫
如甌中赤外白先用涼藥一劑不解次用十宣散四
劑加痛略紅迎醫視之連投參芪丁桂防芷之劑膿
潰云無恙矣辭去眩暈嘔逆惡寒戰慄頂陷膿清偶

檢外科發揮發背門云若初起一頭如黍不腫不赤
煩躁便秘四五日間生頭不計其數瘡口各如含一
粟名曰蓮房發云云始駭為惡症治法雖詳不諳於
行迎薛至診云辛涼解散氣血兩虛者忌之連投參
芪歸朮地黃薑附大劑腫高膿稠兼紆烏金膏數日
果腐落筋如脂膜者數片人參每服至捌錢日進二
服逾兩月平復

附子理中湯 治瘡瘍脾胃虛寒或誤行攻伐手足
厥冷飲食不入或腸鳴腹痛嘔逆吐瀉

附子

人參

茯苓

白芍藥 各參錢 白朮 肆錢

右水煎服

薑附湯 治瘡瘍直傷虧損或誤行汗下或膿血出

多失於補托以致土氣喘急自汗盜汗氣短頭暈

人參 附子 炮去皮臍 乾薑 炮

白朮 各伍錢 右作二劑水煎服

參附湯 治失血過多或膿痰大泄或寒涼汗下真

陽脫陷上氣喘急自汗盜汗氣短頭暈等症急服

以救元氣緩則不治

人參 壹兩 附子 炮去皮臍伍錢

右薑五片水煎服不應倍之

內癰

素問曰肝滿腎滿肺滿皆實即為腫 王注云滿謂脈

腫肺之癰喘而兩胛滿 仲景云肺癰吐膿 肝癰兩胛

滿卧則驚不得小便 腎癰脚下至小腹滿 大奇論

脚下當作胛下○千金云腸癰之為病小腹腫強按

則痛便數似淋仲景云腸癰小腹痞堅蓋小腹痛而

痞堅者腎癰也小便數而似淋

者腸癰也即肺癰肝癰之屬 全文見後

胃脘癰人逆脉逆而盛 胃脘癰條

辨藏府內瘡 中府隱隱痛者肺疽 其上肉微起者肺癰

巨闕隱隱痛者心疽 其上肉微起者心癰

期門隱隱痛者肝疽

其上肉微起者肝癰

章門隱隱痛者脾疽

其上肉微起者脾癰

京門隱隱痛者腎疽

其上肉微起者腎癰

中脘隱隱痛者胃疽

其上肉微起者胃癰

天樞隱隱痛大腸疽

其上肉微起大腸癰

丹田隱隱痛三焦疽

其上肉微起三焦癰

關元隱隱痛小腸疽

其上肉微起小腸癰

懷忠丹 治內癰有敗膿敗血腥穢殊甚所致臍腹

冷痛用此推膿下血

白芷

單葉紅蜀葵花根

各壹兩

白礬 枯

白芍藥

各伍錢

右研為末鎔黃蠟丸如梧子大空心米湯下叁拾

丸推膿下血出盡後服十宣散補之忌發物

又方 猪膏

煎鱸魚食治腸癰又方 以鼈甲燒存性末服之

肺癰 丹溪云癰疽發於內者肺癰肝癰腎癰腸癰囊

內癰附骨癰惟肺癰須先解表今表而出之

千金欬唾膿血其脉數實者為肺癰若口中欬即胃

中隱痛脉反滑數此肺癰也 問曰病者欬逆何以

知其肺癰當有膿血吐之則死其脉何如曰寸脉微

而數微為風數為熱微則汗出數則惡寒風中於衛

呼氣不入熱逼於榮吸氣不出風傷皮毛熱傷血脈
風舍於衛其人則欬口乾喘滿咽燥不渴多吐濁沫
時時振寒熱之所過血為凝滯蓄結癰膿吐如米粥
始萌可救膿成則死 問曰振寒發熱寸脉滑數其
人飲食起居如故此為癰腫醫反不知以傷寒治之
不應何以知有膿膿之所在何以別知其處師曰假
令膿在胸中者為肺癰其脉數欬吐有膿血設膿未
成其脉自數緊去但數為膿已成也 薛夫肺者五
臟之華蓋也處於胸中主於氣候於皮毛勞傷氣血
腠理不密外邪所乘內感於肺或入房過度腎水虧

損虛火上炎或醇酒炙煇辛辣厚味薰蒸於肺或咳
唾痰涎汗下過度重亡津液之所致也其候惡風咳
嗽鼻塞項強胸脇脹滿呼吸不利咽燥作渴甚則四
肢微腫咳唾膿血若吐痰臭濁膿血腥穢胸中隱隱
微痛右手寸口脉數而實者為肺疽若唾涎沫而無
膿脉數而虛者為肺痿也若咳嗽喘急者小青龍湯
咳嗽胸張者葶藶大棗瀉肺湯咳膿腥濁者桔梗湯
咳喘短氣或小便短少者佐以參芪補肺湯體倦食
少者佐以參朮補脾湯咳唾痰壅者腎虛水泛也六
味地黃丸口乾咽燥者虛火上炎也加減八味丸此

症皆因脾上虧損不能生肺金肺金不能生腎水故
始萌則可救膿成則多死若脉微緊而數者未有膿
也緊甚而數者已有膿也內經曰血熱則肉敗榮衛
不行必將為膿大凡肺瘡咳唾膿血久久如粳米粥
者難治若唾膿而不止者亦不可治也其嘔膿而自
止者自愈其脉短而澁者白瘡面色當白而反赤者
此火之尅金皆不可治苟能補脾肺滋腎水庶有生
者但恐專攻其瘡脾胃益虛鮮有不誤者矣

丹溪治一少婦胸膈間潰一竅膿血與口中所咳相
應而出以參芪當歸加退熱排膿等藥而愈一云此

因肺痿所致 項彥章治一人病胸膈壅滿昏不知
人項以杏仁薏苡之劑灌之立甦繼以升麻桔梗黃
芪消其膿服之踰月瘳項所以知其病者以陽明脉
浮滑陰脉不足也浮為火而滑為血聚始由風傷肺
故結聚客于肺陰脉之不足則過于宣逐也諸氣本
乎肺肺氣治則出入易苑陳除故行其肺氣而病自
已 汪石山治一婦年近三十形色瘦白素時或咳
嗽一兩聲月水或前或後夏月取涼遂咳甚不能伏
枕者月餘嗽痰中或帶血或兼膿嗽急則吐食醫用
芩連二陳不効復用參芪等補藥病重汪視左脉浮

滑右脉稍弱而滑幼傷手腕掌不能伸右脉似難憑
久乃以左脉驗之恐妊兼肺癰也遂以清肺泄肺之
劑進之二服而能著枕痰不吐膿不咯惟時或惡阻
汪曰此妊之常病也教用慧苡仁白朮茯苓麥冬黃
芩阿膠煎服病減月餘復為診脉皆稍緩而浮曰熱
已減矣但吐紅太多未免傷胃教用四君子加陳皮
黃芩枳殼煎服調理妊至六月食雞病作却雞而愈
至九月病又復作聲啞令服童便獲安汪曰產後病
除乃是佳兆病若復作非吾所知月足而產脾胃病
作加泄竟不救 薛立齋治一儒者患肺癰鼻流清

涕咳唾膿血胸膈作脹此風邪外傷也先用消風散
加亂髮灰二服而鼻利又用四君加芫歸及桔梗湯
而愈後因勞役咳嗽吐膿小便滴瀝面色黃白此脾
土不能生肺金肺金不能生腎水也用補中益氣湯
六味地黄丸而愈 一儒者因素善飲咳膿項強皮
膚不澤此脾肺氣虛外邪所乘而成肺癰也先用桔
梗湯後用人參補肺湯而痊 一男子咳唾痰膿胸
腹膨脹兩寸與右關脉皆洪數此火不能生土而土
不能生金也用桔梗湯為主佐以補中益氣湯而愈
一人不時咳嗽作渴自汗發熱便數自用清肺降

火理氣滲利之劑服之反小便不通面目赤色唇烈
 痰壅脾肺腎三脉浮大按之而數此足三陰虧損不
 能相生當滋化源否則成癰矣不信仍用分利之藥
 後果患肺癰余用桔梗湯及六味丸而愈 一男子
 面赤吐膿發熱作渴煩躁引飲脉洪數而無倫次先
 用加減八味丸加麥門大劑一服熱渴頓止即熟睡
 良久覺而神爽索食再劑諸症頓減仍用前藥更以
 人參伍錢麥門貳錢伍分五味貳錢水煎代茶飲日
 一劑月餘而安此證面赤者當補肺腎面白者當補
 脾肺治者驗之 一婦素血虛發熱咳嗽或用痰火

之劑後吐膿血面赤脉數甚勢甚危此膿成而血氣
 虛也余用八瓊湯以補元氣用桔梗湯以治肺症脉
 症漸愈 一婦感冒風寒或用發表之劑反咳嗽喘
 急飲食少思胸膈不利大便不通右寸關脉浮數欲
 用通利之劑余曰此因脾土虧損不能生肺金若更
 利之復耗津液必患肺癰矣不信仍利之虛證悉至
 後果吐膿予朝用益氣湯夕用桔梗湯各數劑吐膿
 漸止又朝仍用前湯夕用十全大補湯各五十餘劑
 喜其善調理獲愈 一婦咳嗽吐痰胸膈作痛右寸
 關浮滑項下牽強此脾胃積熱成痰非癰患也以二

先解
表次
取膿
終補
裏

陳湯加山梔白朮桔梗治之而痊 一婦素血虛內
熱時咳甲辰孟冬兩尺浮洪余曰當防患肺症丙午
孟春果咳嗽左右寸脉洪數此心火刑尅肺金而成
肺癰也膿已成矣夏令可憂余用壯水健脾之劑稍
愈彼不慎調攝果歿於仲夏

小青龍湯 治肺受風寒咳嗽喘急

半夏 湯泡未次 乾薑 炮

細辛

麻黃 去節 肉桂 芍藥

甘草 炙各 五味子 蜜拌炒

右每服伍錢薑水煎服

葶藶大棗瀉肺湯 治肺癰喘不得卧

葶藶 炒黃研細

大棗 拾貳枚

水參升入棗先煮取貳升去棗入葶藶又煮壹升
頓服之又曰治肺癰胸滿脹一身并面目浮腫鼻
塞清涕出不知香臭酸辛咳逆上氣喘鳴迫塞用
前方三日一劑可至三四劑須先與小青龍湯一
劑乃與之

桔梗湯 治欬而胸滿振寒脉數咽乾不渴時出濁
唾腥臭久久吐膿如粥者肺癰也

桔梗 甘草 炙各

壹兩

用水參升煮取壹升去滓分温再服則吐膿血也
亦治喉痺三因甘艸倍之每肆錢名四聖散千金
亦名桔梗湯用桔梗參兩甘艸貳兩服後必吐膿
血

葦莖湯 治肺癰又云一本治欬有微熱煩滿心胸

甲錯

葦莖 參升切 薏苡仁 半升 冬瓜仁 半升

桃仁 伍拾枚 去皮

用水壹斗先煮葦葉得伍升去滓入諸仁煮取貳
升分温五服當吐如粥 千金云肺癰當吐膿血○
葦莖卽汀洲間蘆茨之粗

種也

治吐膿血如肺癰狀口臭他方不應者宜消風散入

男子髮灰研細入和之清米飲下可除根只兩服

亦治吐血 消風散方荆芥川芎羌活人參茯苓僵
蚕防風藿香蟬蛻各貳錢厚朴陳皮各

半兩為末是也

葦宙獨行方 治心胸甲錯為肺癰黃昏湯主之

用夜合皮掌大壹片水參升煮取貳升分再服 夜合

樹按本草卽
烏農樹也

右肺癰證治要略以小青龍湯先與一劑乃行氣
取膿之藥將以解表之風寒邪氣此治腫瘍之例

取膿
雜方

也後以韋宙方終之者將以補裏之陰氣此治潰瘍之例也已上六方皆丹溪所集

如聖丸

梅師

治風熱毒氣上攻咽喉痛痺腫塞妨悶

及肺癰喘嗽唾膿血胸滿振寒咽乾不渴時出濁沫氣臭腥穢久久咯膿狀如米粥

樟腦

另研

牛黃

另研

桔梗

甘草

生用各壹錢

為細末煉蜜丸每兩作貳拾丸每用壹丸噉化

濟生桔梗湯

治肺癰心胸氣塞咳嗽膿血心神煩悶咽乾多渴兩足腫滿小便赤黃大便多澁用桔

梗貝母川歸瓜蒌仁枳殼薏苡仁桑白皮防風已

上各壹兩生甘艸杏仁蒸百合各半兩黃芪壹兩

半右修事咬咀每服肆錢水壹碗半生薑伍片煎

至捌分去滓服若大便秘加大黃小便秘加木通

仲景桔梗白散

治欬而胸滿振寒脉數咽乾不渴

時出濁唾腥臭久久吐膿如米粥者為肺癰

桔梗

貝母

各叁分

巴豆

去皮炒研如指壹分

右三味為散強人飲服半錢七羸者減之病在膈上者吐膿血膈下者瀉出若下多不止飲冷水一

碗則定

此亦要畧方丹溪不刪採用之者必有微意存焉

肺癰醫壘元戎搜風湯吐之

牡丹散本治肺癰吐膿血作臭胸乳間皆痛

牡丹皮 赤芍藥 地榆

苦梗 薏苡仁 川升麻

黃芩 生甘草各壹錢半

右作一服水貳鍾煎至壹鍾食遠服 一方無黃

芩加生薑煎名升麻湯

如金解毒散 治肺癰

桔梗壹錢 甘草壹錢半 黃連炒

黃芩炒 黃蘗炒 山梔炒各柒分

作一劑水貳鍾煎捌分作十餘次呷之勿急服

薛按此方乃降火解毒之劑也發熱煩渴味洪大

者用之俱効若脉數咳痰腥臭或唾膿瘀宜用桔

梗湯大抵肺癰之證肺脉洪大或吐膿不止者難

治膿自止脉短澹者自愈面赤火尅金也不治

桔梗湯 治男婦欬而胸膈隱痛兩脚腫滿咽乾口

燥煩悶多渴時出濁唾腥臭名曰肺癰小便赤黃

大便多澁

桔梗 貝母 當歸酒浸

瓜蒌仁 枳殼麩炒 薏苡仁微炒

桑白皮

防已 去粗皮

甘草節 各壹兩

百合 蒸

黃芪 各壹兩半

北五味子

甜葶藶

地骨皮

知母

杏仁 各半兩

右剉碎每服肆錢水壹盞半生薑參片煎柒分不
拘時溫服咳者加百藥煎熱加黃芩大便不利加
煨大黃少許小便澀甚加木通車前子煎煩躁加
白茅根煎咳而疼甚加人參白芷煎

四順湯 治肺癰吐膿五心煩熱壅悶咳嗽

貝母 去心

紫苑 去苗

桔梗 炒各壹兩

甘草 炙剉半兩

右搗篩每服叁錢水壹盞煎五七沸去滓不拘時
稍冷服如咳嗽甚加去皮尖杏仁叁枚同煎小兒
量減

治肺癰方

右用薏苡米為末糯米飲調下或入粥內煮吃亦
可一方用水煎服當下膿血便愈

瀉白散 治肺癰

桑白皮 炒貳錢

地骨皮

甘草 炙

貝母 去心

紫苑

桔梗 炒

內經 肺癰

小斗二

百三

當歸 酒拌各壹錢 瓜蒌仁 壹錢半

作一劑水壹鍾薑參片煎捌分食遠服

薛按此方乃瀉肺邪消毒之劑也若喘咳唾痰沫肺脉浮數者用之有效如脉大發熱作渴宜用解毒散解之而後用此劑其或唾膿之際宜排膿如唾膿後及肌將安宜補肺初起胸膈脹滿喘急咳嗽宜發散表邪

補裏雜方

濟生排膿湯 治肺癰得吐膿後以此排膿補肺

生綿黃芪貳兩細末每貳錢水壹盞煎伍分服

肺癰收斂瘡口止有合權樹皮白斂煎湯飲之

排膿散 治肺癰吐膿後宜服此補肺

黃芪 鹽水拌炒 白芷 五味子 炒并

人參 各等分

為細末每服參錢食後蜜湯調下

寧肺湯 治咳嗽唾膿自汗上氣喘急用此補肺及

治榮衛俱虛發熱自汗

人參 當歸 酒拌 白朮

熟地黄 川芎 白芍藥

甘草 炙 五味子 搗 麥門冬 去心

桑白皮 炙 阿膠 蛤粉炒各壹錢 白茯苓 壹錢

作一劑水貳鍾薑參片煎捌分食後服

人參補肺湯 治肺症咳喘短氣或腎水不足虛火

上炎痰涎涌盛或吐膿血發熱作渴小便短澀

人參

黃芪

白朮

茯苓

陳皮

當歸 各壹錢

山茱萸肉

山藥 各貳錢

麥門冬 柒分

甘草 炙

五味子 各伍分

熟地黃 自製壹錢半

牡丹皮 捌分

右薑棗水煎服

人參平肺散 治心火尅肺傳為疽痿咳嗽喘嘔痰

涎壅盛胸膈痞滿咽隘不利若因肝木太過而致

當補肺若因腎水不足而患當補脾肺若因心火

旺而自病當利小便

人參

陳皮

甘草

地骨皮

茯苓 各壹錢

知母 炒柒分

五味子 杵炒肆分

青皮

天門冬 去心各伍分

桑白皮 炒壹錢

右水煎服

參芪補脾湯 治肺疽脾氣虧損久咳吐膿涎或中

滿不食必服此藥補脾土以生肺金否則不治

人參

白朮 各貳錢

黃芪 貳錢伍分

茯苓

陳皮

當歸 各壹錢

升麻

叁分

麥門冬

柒分

五味子

肆分

桔梗

陸分

甘草

炙伍分

右薑棗水煎服

葶藶散

治肺癰咳嗽氣急睡卧不安心胸脹滿

甜葶藶子

紙炒赤色

百合

炒

白附子

北五味子

炒

甘艸節

羅參

款冬花

百藥煎

紫苑

去木各壹兩

大硃砂

半兩另研

右為末每服貳錢燈心湯調下

補肺散

治肺癰已吐出膿血以此潤護

真鍾乳粉

壹兩

白滑石

貳兩

右研細每服叁錢米飲調下

理肺膏

治肺癰正作咳唾不利胸膈迫塞

訶子

去核

百藥煎

五味子

微炒

條參

去蘆

款冬花藥

杏仁

知母

貝母

甜葶藶子

紫苑

百合

甘艸節

各伍錢

右為末用白茅根淨洗秤叁斤研取自然汁入石噐中熬成膏更添入好蜜貳兩再熬勻候調和

煎藥為圓如梧子大溫水吞下

五香白朮散 寬中和氣滋益脾土生脾金進美飲

食

沉香

木香

明乳香

丁香

藿香葉

各半兩

白朮

羅參

白茯苓

薏苡仁

山藥

篇豆

桔梗

縮砂

白豆蔻

粉草

蓮肉

各壹兩

右為末蘇鹽湯調空心服棗湯亦可有汗加浮麥

煎湯下

肺癰已破入風者不治 肺癰吐膿後其脉短而瀉

者自痊浮大者難治其面色白而反赤者此火之尅

金皆不可治

金匱方論曰熱在上焦者因欬為肺痿肺痿之病何

從得之或從汗出或從嘔吐或從消渴小便利數或

從便難又被快藥下利重亡津液故寸口脉數其人

欬口中反有濁唾涎沫者為肺痿之病若口中辟辟

燥欬即胸中隱隱痛脉反滑數此為肺癰欬唾膿血

脉數虛者為肺痿數實者為肺癰 妻此言肺痿屬

熱如欬久肺傷聲啞聲嘶咯血此屬陰虛火熱甚是也本論治肺痿吐涎沫而不欬者其人不渴必遺尿小便數以上虛不能制下故也此為肺中冷必眩多涎唾用炙甘草乾薑此傷寒也肺痿吐涎多心中溫液者用炙甘草湯此補虛勞也亦與補陰虛火熱不同是皆宜分治之故肺痿又有寒熱之異也精勞傷血氣勝理虛而風邪乘之內盛於肺也則汗出惡風咳嗽短氣鼻塞項強胃腸脹滿久久不瘥已成肺痿也保肺癰者由食啖辛熱炙煇或酣飲熱酒燥熱傷肺所致治之宜早

腸癰千金謂妄治必殺人腸癰為病小腹重而強按之則痛便數似淋時時汗出復惡寒身皮甲錯腹皮急如腫狀其脉數者小有膿也巢云洪數者已有膿脉若遲緊者未有膿甚者腹脹大轉側有水聲或繞臍生瘡或膿自臍出或大便出膿血脉經問曰羽林婦病何以知腸有膿師曰脉滑而數滑則為實數則為熱滑則為榮數則為衛衛數下降榮滑上升榮衛相干血為敗濁小腹痞堅小便或澀或自汗出或復惡寒膿為已成設脉遲緊則為瘀血血下即安丹溪云腸癰大腸有熱積死血流注桃仁承氣湯加

連翹秦艽 薛腸癰因七情飲食所致治法脉遲緊者未有膿也用大黃湯下之脉洪數者已有膿也用薏苡仁湯排之小腹疼痛小便不利膿壅滯也牡丹皮散主之若大便或臍間出膿者不治內經曰腸癰爲病不可驚驚則腸斷而死故患是者其坐卧轉側理宜徐緩時少飲薄粥及服八珍湯固其元氣靜養調理庶可保全其生 丹溪治一女子腹痛百方不治脉滑數時作熱腹微急曰痛病脉當沉細今滑數此腸癰也以雲母膏一兩丸梧子大以牛皮膠溶入酒中并水下之餉時服盡下膿血愈 一婦以毒藥

去胎後當臍右結一塊痛甚則寒熱塊與臍高一寸痛不可按脉洪數謂曰此瘀血流溢於腸外育膜之間聚結爲癰也遂用補氣血行結滯排膿之劑三日決一鋒針膿血大出內如糞狀者臭甚病婦恐因調氣血生肌則內外之竅自合不旬日而愈 呂滄洲治郡守李母龐病小腹疼痛衆醫皆以爲瘕聚又藥不効呂診循其少陰脉如刀刃之切手胞門朮而數知其陰中痛癰結小腸也告之曰太夫人病在幽隱不敢以聞幸出侍人語之乃出老嫗呂曰苦小腸癰以故臍下如瘕聚今膿已成痛迫于玉泉當不得前後

溲溲則痛甚嫗拜曰誠如公言遂用國老將軍為向
導麒麟竭虎珀之類攻之膿自小便出應手愈 呂
又治一小兒十二歲患內癰腹脹臍凸而頗銳醫欲
刺臍出膿其母不許請呂視之見一僧擁爐熾炭然
銅筋一枚烈火中瞪目視翁曰此兒病癰發小腸苟
舍刺臍無他法呂諭之曰臍神闕也針刺所當禁矧
癰舍於內惟當以湯丸攻之苟如而言必殺是子矣
僧怒趨而出呂投透膿散一匕明日膿自氣合潰繼
以十奇湯下萬應膏丸而瘥 虞恒德治一人得潮
熱微似瘧似小腹右邊有一塊大如雞卵作痛右腳
不能伸縮一醫作奔豚氣治十餘日不驗虞診其脉
左寸芤而帶濇右寸芤而洪實兩尺兩關俱洪數曰
此大小腸之間欲作癰耳幸膿未成猶可治與五香
連翹湯加減與之間以蜈蚣炙黃酒調服之三日愈
儒醫李生治一富家婦有疾診之曰腸胃間有所
苦耶婦曰腸中痛不可忍而大便從小便出醫皆謂
古無此證不可治李曰試為籌之若服我之藥三日
當瘳下小丸子數十九煎黃芪湯下之下膿血數升
而愈其家喜問治法李曰始切脉時覺芤脉見於陽
部脉訣云寸芤積血在胸中關內逢芤腸裏癰此癰

在內所以致然所服者乃雲母膏為丸耳切脈至此
可以言醫矣 薛已治通府張廷用患之兩月餘矣
時出白膿體倦惡寒此邪氣去而中氣虛也乃用托
裏散兼益氣湯徐徐呷之又令以豬肚肺煮爛取其
湯調米粉煮時呷半盞後漸調理而痊 一男子裏
急後重下膿脹痛此脾氣下陷用排膿散蠟礬丸而
愈後因勞役寒熱體倦用補中益氣湯而安 一婦
人小腹脹痛小便如淋時時汗出此瘀血凝結於內
先以神効瓜蒌散二劑少愈更以薏苡仁湯而愈
一婦人小腹脹痛而有塊脈芤而澁此瘀血為患也

以四物加玄胡索紅花桃仁牛膝木香二劑血下而
痊 一婦人小腹脹痛大便秘澀轉側有水聲脈洪
數此膿瘀內潰也以梅仁湯一劑下瘀血諸症悉退
再以薏苡仁湯二劑而痊 一婦人膿成脹痛小便
不利脈洪數此膿毒內潰也服太乙膏三錢膿下甚
多更以瓜蒌散蠟礬丸及托裏散而安 如用雲母膏尤妙
一婦人產後惡血不止小腹作痛服瓜子仁湯下瘀
血而痊凡瘀血停滯宜急治之緩則腐化為膿最為
難治若流注關節則為敗症

腫腸
瀉例

薏苡附子散

治身甲錯腹皮急如腹脹本無積聚

身熱脉數者

附子 炮貳分

敗醬 伍分

薏苡仁 壹錢

右為末每服方寸匕以水貳合煎頓服小便當下
三因薏苡附子同前敗醬用壹兩壹分每四錢水
盞半煎七分去粗空心服

按此方乃辛熱之劑也若積久陰冷所致宜用丹
溪云身甲錯腹皮急按之濡如腫狀腹無積聚身
無熱脉數此腸內有癰積久陰冷所致故金匱有
用附子溫之即此方也

牡丹湯 治腸癰小腹腫痞按之即痛小便如淋時

時發熱自汗惡寒其脉遲緊者膿未成可下之當
有血洪數者膿已成不可下

牡丹皮

瓜蒌仁 各壹錢 桃仁 去皮尖

芒硝 各貳錢

大黃 伍錢

右作一服水貳鍾煎至壹鍾去滓入硝再煎數沸
不拘時服

按此乃破血之劑也如發熱自汗惡寒小腹作痛
小便如淋脉遲者有効丹溪云小腹腫痞按之痛
小便如淋或自調發熱身無汗復惡寒其脉遲緊
者膿未成宜下之當有血此內結熱所成也故金

置有用大黃利之卽此方也若無前證恐不宜用
亦有腹內脹痛脉滑數或膿已下或後重時時而
下宜用排膿散太乙膏蠟礬丸及托裏藥
薏苡仁湯 治腸癰腹中疔痛煩毒不安或脹滿不
食小便澀婦人產後虛熱多有此病縱非癰但疑
似間便可服

薏苡仁 各貳錢

瓜蒌仁 各叁錢

牡丹皮

右作一服水貳鍾煎至壹鍾不拘時服

按此方藥品和平其功且速常治腹痛或發熱或

脹滿不食水道澀滯產後多有此證或月經欲行
或行後作痛尤效

牡丹散 治腸癰冷證腹濡而痛時時利膿

牡丹皮

人參

天麻

白茯苓

黃芪

木香

當歸

川芎

官桂

桃仁

去皮炒各柒錢半

白芷

薏苡仁

甘草

炙各伍錢

爲細末每服叁錢用水壹鍾煎至柒分食前溫服

梅仁湯

治腸癰裏急隱痛大便秘澀

梅核仁

肆拾玖粒 去皮尖

大黃

叁兩

牡丹皮

壹兩柒錢半

芒硝

貳兩半

冬瓜仁

肆兩

犀角

鎊壹兩半

右剉如麻豆大每服伍錢水貳盞煎至壹盞去滓
溫服以利下膿血三兩行為度

大黃湯 治腸癰少腹堅硬腫大如掌而熱按之則
痛其上色或赤或白小便稠數汗出增寒其脈遲

緊者未成膿如脈數則膿已成

大黃

剉炒

牡丹皮

硝石

研

芥子

桃仁

湯浸去皮尖雙仁炒各半兩

右剉碎每服伍錢水貳盞煎至壹盞去滓空心溫

服以利下膿血為度未利再服

四聖散

一名神効瓜萋散

治腸癰癰疽生於腦髭背腋孔便

毒服之神効

生黃瓜萋

壹枚 去皮

粉草

肆錢 研末

沒藥

研末 叁錢

乳香

研末 壹錢

右用好紅酒貳大碗慢火煎至壹碗分作兩服兩
日服盡大便順導惡物妙若乾瓜萋則用兩枚一
方若病在上食後服病在下食前服毒已結成卽
膿化為水毒未成卽於小便中出疾甚再合服以
退為度

補瀉

郭氏瑞効丸

方見腫瘍

雲母膏 治一切癰疽瘡癤折傷等證

蜀椒

去目及閉口者微炒

白芷

沒藥

赤芍藥

肉桂

當歸

鹽花

菖蒲

麒麟竭

黃芪

白芨

芫蕪

木香

龍膽草

白斂

防風

厚朴

麝香

桔梗

柴胡

松脂

人參

蒼朮

黃芩

乳香

附子

茯苓

良薑

合歡皮

各伍錢

硝石

甘草

雲母

各肆兩

桑白皮

槐枝

柳枝

柏葉

水銀

以絹另包待膏成以手細彈在上各養膏母

陳皮

各貳兩

清油

肆拾兩

黃丹

貳拾兩

右除雲母硝石麒麟竭乳香沒藥麝香鹽花黃丹八味另研外餘藥並細切入油浸七日文火煎以柳枝不住手攪候匝沸乃下火沸定又上火如此者三次以藥黑色爲度去粗再熬後入丹與八味

未仍不住手以槐柳枝攪滴水中成珠不軟不硬
為度磁器收貯候溫將水銀彈上用時先刮去水
銀或服或貼隨宜用之其功甚大也

排膿散 治腸癰小腹脹痛脉滑數或裏急後重或
時時下血

黃芪 鹽水拌炒

當歸 酒拌

金銀花

白芷

穿山甲 蛤粉炒

防風

連翹

瓜蒌 杵

升草 各壹錢

作一劑水貳鍾煎捌分食前服若膿將盡去穿山
甲連翹加當歸川芎或為末每服參錢食後蜜湯

調下亦可

神仙蠟礬丸 治腸癰內托神妙不問老幼皆可服

之無不効最止疼痛不動臟腑

黃蠟 半兩要黃色者一方用柒錢

白礬 壹兩要通明者細研

右溶化黃蠟和礬為丸如梧桐子大每服貳拾丸
漸加至參拾丸食遠用溫白湯送下

胃脘瀰 素問帝曰人病胃脘癰者診當何如岐伯曰

診此者當候胃脉其脉當沉細沉細者氣逆甲乙經
沉逆者人迎甚盛甚盛則熱人迎者胃脉也逆而盛
則熱聚於胃中而不行故胃脘為癰也病能篇

薛聖

濟總錄云胃脘癰由寒氣隔陽熱聚胃口寒熱不調故血肉腐壞以氣逆於胃故胃脉沉細以陽氣不得上升故人迎熱盛令人寒熱如瘧身皮甲錯或咳嗽或嘔膿唾血若脉洪數膿成也急排之脉遲緊瘀血也急下之否則其毒內攻腐爛腸胃矣丹溪先生云內疽者因飲食之毒七情之火相鬱而發用射干湯主之愚常以薏苡仁湯牡丹皮散太乙膏選用之亦効若吐膿血飲食少思助胃壯氣為主而佐以前法不可專治其瘡 一男子寒熱作渴不時咳吐血肉血腥又五日吐膿身皮甲錯用射干湯四劑膿血已

止但氣壅痰多以甘桔湯而愈 一男子用射干湯之類將愈但氣喘體倦發熱作渴小便頻數此肺氣不足用補中益氣山藥山茱麥門五味時仲夏更以生脉散代茶飲而愈 一婦人素食厚味吐膿已愈但小便淋瀝此肺腎氣虛用補中益氣加麥門五味及加減八味丸而愈若膏粱之人初起宜用清胃散射干湯 治胃脘癰人迎脉逆而盛嗽膿血榮衛不流熱聚胃口成癰

射干 去毛

梔仁

赤茯苓 去皮

升麻 各壹兩

赤芍藥 壹兩

白朮 半兩

右為末每服伍錢水貳盞煎至壹盞去渣入地黃汁壹合蜜半合再煎溫服不計時候
復元通氣散精要治諸氣澁耳聾腹癰便癰瘡疽無頭止痛消腫

青皮

陳皮

各肆兩

甘草

參丁生熟各半

穿山甲炮

瓜蒌根

各貳兩

金銀花

連翹

各壹兩

右為細末熱酒調下

芍藥湯

治胃脘積熱結聚為癰

赤芍藥

石膏

犀角

鎊

麥門冬

薺苳

木通

各貳兩

朴硝

升麻

玄參

甘草

生各壹兩

右咬咀每服伍錢水壹盞半煎捌分去滓不拘時溫服

心癰涼血飲

即引兵先鋒方治心肺有熱或作寒

熱口乾好飲水渾身疼腹內作熱頭面赤色

內托散

即前鋒正將方治同上兼用敷角洗貼

已潰多服加味十奇散

以上並見腫瘍門

腎癰八味丸

治腎虛嗜慾過度外挾寒邪發為癰

腫不可施以涼劑宜服

方見潰瘍門

加味十奇散 治同上兼用葱白橘葉桵葉豬蹄湯

淋洗仍貼金絲膏

方見前腫瘍門

疔瘡

疔瘡者以其瘡形如丁蓋之狀而得名皆生頭面四肢發黃疱中或紫黑必先癢後痛先寒後熱凡人一二日間惡寒發熱四肢沉重心悸眼花頭疼體痛稍異如常之證須宜徧身尋認如有小瘡與嘗患之瘡稍異卽是疔也大抵起紫疱者多起堆核者少發於手上者多發於別處者少生兩足者多有紅絲至臍生兩手者多有紅絲至腋生脣面口內者多有紅絲入喉以鍼刺瘡不痛無血是其候也經云膏粱之變足生大疔大抵多由恣食厚味卒中飲食之毒或感

四時不正之氣或感蛇蟲之毒或感疫歿牛馬猪羊
之毒或人汗入肉而食之皆生疔瘡各宜審而治之
若嘔逆直視譫語如醉者不可治矣又有內疔一證
與外疔之證大同但瘡形不現過數日間有一處腫
起者卽是內疔所發之處但腹痛甚者便須作內疔
治之不可緩也緩則殺人 華元化云疔有五色屬
五臟紅屬心發於舌根青屬肝發於目下黃屬脾發
於口脣白屬肺發於右鼻黑屬腎發於耳前以種類
言之千金方外臺秘要神巧萬全方皆稱一十三種
殆不止也 麻子疔狀如麻子而稍黑四邊微赤多

痒少痛忌食麻子油衣麻衣并入麻田中行穿麻布
人 火疔發於頂門或發於面身熱如火狀如湯火
燒灼瘡頭有黑靨四邊煙焰又如赤粟米忌火灸燒
鍼烙 脾疔生於脣四白 眉疔生於眉 髭疔生
於髭中 龍泉疔生於脣上 虎鬚疔生於脣下
魚尾疔生於眼角外 顴骨疔生於顴骨上亦名赤
面疔其狀色白頂陷如錢孔鼻有紫色者大凶 耳
疔生於耳中亦名黑疔連腮赤腫 鼻疔生於鼻內
痛引腦門不能運氣鼻如大瓶黑色者不治 頰疔
生於面頰骨尖高處 氣疔形如氣泡感怒而生

腐疥色白有炮三日內頂陷狀如初灸瘡因夏月造豆腐時人汗滴於內食之而生忌食豆腐 鬼疥因中陰邪之毒而生 瓜藤疥延蔓無數忌瓜田中行石疥皮肉相連堅韌如石刺之不入肉微痛忌砂礫 鹽膚疥大如匙面四邊皆赤有黑點如粟粒起忌食鹹物 水洗疥狀如錢形或如錢孔瘡頭白裏黑膿汁出而中韌極癢透骨搔則快然忌水洗渡河及飲漿水 浮漚疥其狀圓曲少許不合長而狹如薤葉大內黃外黑黑處刺不痛黃處刺則痛 三十六疥其狀頭黑浮起形如黑豆四畔起大赤色今日

生一明日二後日三乃至十若滿三十六藥所不能治未滿者可治俗名黑炮忌嗔怒畜積愁恨 豬疥形圓而小瘡口內有油 羊疥形長而白色 牛疥形圓而小瘡內無油炮起搯不破有寒熱 狗疥色赤而長或帶尖與牛疥同無忌不殺人 驢馬疥其狀三角頂上有黑點根脚有赤色或突起 水疥狀如水泡因飲隔宿水而生忌飲水 臍疥生於臍脇疥生於脇 鎌疥狀如薤葉長寸許肉黑如燒烙忌刀鍼 暗疥生兩腋下而無頭但腋下堅韌四肢拘急寒熱大作陰囊腫痛畢九附生突兀如疔寒

熱併作亦名暗疔 寸疔生手指骨節間 虎口疔
生合谷穴 魚臍疔狀如魚臍 菜萁疔中凹邊突
蛇眼疔頭黑皮浮形如小豆狀似蛇眼忌惡眼看
并嫉妬人見之及觸毒藥 紅絲疔一名血箭疔一
名赤疔一名紅演疔生於舌根下或生頭面或生手
足骨節間其證最急宜迎其經刺出惡血則愈稍遲
毒氣攻心嘔噦迷悶者歿若絲近心腹者就於絲盡
處刺出惡血更挑破初起瘡頭以泄其毒 芝麻疔
走注不定徧身疼痛不能轉側 爛疔潰出膿水大
如匙面色稍黑有白斑忌沸湯熱食爛物 雌疔瘡

與稍黃向裏靨亦似灸瘡四面炮漿起心凹色赤大
如錢孔又有一枚在他處以水噴之則見大忌房事
雄疔其狀頭黑靨突起四畔仰炮漿起有水出色
黃大如錢孔忌房事 黃疔有眼在皮發如齒齧之
色手足麻木涎出不語者歿 黑疔狀如黑炮 櫻
桃疔狀如櫻桃 蛇頭疔生手指頭兩旁狀如蛇頭
甚腥穢紫黑色痛引心有潰爛脫落者 足面疔狀
如粟米痒極入骨急隔蒜灸之 大抵如豆如日如
箔金如菜萁如石榴子或發疹搔破而青黃赤色汁
出或衣物觸着而疼痛忽生或白而腫實或赤而浮

虛其狀不一初覺頂不起者急隔蒜灸之灸而有炮者吉無炮者凶服汗劑得汗則生無汗則死刺出紫血者危出黑血者死 緩者一日瘡頂炮色微白二日炮色大白三日色微紫四日色真紫皆緩之候也 急者五日色微青小緊六日色深青大緊七日色黑其形如魚臍或如灸瘡之狀皆急之候也 凡生疥瘡身熱頭疼手足溫和飲食如常疥之四圍赤腫名曰護場可治 凡生疥瘡眼白睛癡不轉渴欲飲水內熱瘡盛唇舌青卧牀不能起五心腫頭暈眼花氣羸食不進脉伏譫語惡心腹痛冷汗出手足冷滑

泄無度疥之四圍無赤腫名曰不護場不可治 瘡證急者有應如生一疥之外別處肉上再生一小瘡卽是有應可用鍼挑破護場瘡四圍有赤腫生多瘡者謂之滿天星飲食如常頭痛身熱手足溫 瘡證凶者無應別處肉上無瘡不護場疥四圍無赤腫腹痛甚者有內疥若毒入心腹眼黑如見火光煩悶嘔逆恍忽癡眠瞳人不動赤脉貫睛胸脇赤腫瘡陷不起發皆死候也 凡疥瘡必有紅絲路急用鍼於紅絲所至之處出血及刺疥頭四畔出血若鍼之不痛或無血者以鍼燒紅頰烙患處以痛爲度若下部所

患多宜隔蒜灸之痛則灸至不痛不痛則灸至痛苦
灸之而不痛者宜明灸之及鍼疔四畔出去惡血却
以稜鍼深刺破疔頭瘡口用海馬拔毒散敷之或雄
礬丹敷之待疔四圍發黃炮浮腫知痛爲佳若疔未
發用火鍼四畔亂刺如有紅絲脉盡處亦以火鍼三
向刺斷如此樣刺了即敷藥若疔不痛不發
者用艾火於疔瘡上灸之三壯候瘡邊起黃炮發後
方可貼膏藥凡疔腫皆刺中心至痛又刺四畔令出
惡血去血傳藥藥氣入鍼孔佳若不鍼透瘡肉不得
力也若起紫疱初然切不可鍼破服藥趕出炮自破
出血水爲妙若服藥炮又不破方以鍼挑破無妨若
起紫炮腫痛者以萬病解毒丸外塗內服若成膿不
乾者以米醋調鐵鏽塗之自然凸出膿水即乾 多
有患此不覺而暴死者用燈照看徧身有小瘡卽是
疔毒宜灸瘡處候甦更服敗毒藥并追疔奪命湯若
內疔之證用化毒丸置舌上含化出涎或只用蟾酥
一粒重者二粒置病人舌上含化化後良久用井水
漱去毒涎爲妙若牙關緊急及喉內患者並宜含蟾
酥丸或朱墨丸良久用井水漱去更宜服二丸少停
又服二丸又服奪命丹或雄黃丸通利一行得利爲

度又用霹靂火汗之再用前藥調之或初生一箇次
生二箇逐漸流注者急將初生者用鐵筒拔毒膏點
破消蝕惡肉卽不流注却以油髮蚰退土蜂房皂角
刺各另燒存性等分白芨減半爲末揆之以平瘡口
此卽前所謂三十六疔者也其魚臍疔瘡頭深黑破
之黃水滲出四畔浮漿其毒尤甚通用前法及服葛
病解毒丸以清心行血 治法表實者宜解表以荆
防敗毒散追疔奪命湯初發之時必發熱身疼此乃
毒氣在表故發表則毒從毛腠而出 裏實者宜攻
裏以救命追黃湯連翹攻裏散表證皆罷毒氣入裏

口渴便秘毒在內也故攻裏則毒從臟腑而出 表
裏俱實者宜解表和裏以化毒消腫和裏散加紫河
車獨脚蓮紫金藤苦花子其證發熱身疼口渴便秘
乃表裏俱見故攻發並用也 腫勢盛脉浮數者宜
散之蟾酥丸返魂丹 毒勢盛脉沉實者宜下之奪
命丹萬病解毒丸 無表裏證服散毒消毒藥後以
復元通氣散加麝香少許 虛弱人以五香連翹湯
合十宣散稍虛者只以人參敗毒散按五香連翹湯
乃溫熱走竅之
藥既虛人豈其所
宜當用薛氏法爲長 疔毒拔出用金銀白芷散十
宣散調理未潰者不須此藥 初發惡寒發熱或拘

急或頭疼或寒熱交作或肢體重痛或大便秘結宜
以敗毒散加防風荆芥連翹黃芩青木香金銀花天
花粉大黃生地黃若無惡寒但發熱者可服劫毒消
毒散十神散萬全散若表證皆罷毒氣入裏者可用
雄黃丸 怯弱之人不可用峻利藥攻之宜隔蒜灸
五十壯以人參敗毒散數劑若生道遠位僻之處非
峻利則藥力不到若以峻利則胃氣先傷虛虛之禍
有所不免不若灸之爲宜 疔瘡四畔紅赤漸散開
闊走亂不止此名疔瘡走黃宜以通聖消毒散通利
兩三行次去大黃朴硝調理而愈或解毒消瘰散亦

可川之有效此宜作瘡氣治之無誤 疔瘡腫硬脉
數煩躁喜冷口渴便秘宜以連翹攻裏散壹服次用
蟾酥丸若無有表邪者以荆防敗毒散加金銀花天
花粉大黃連翹脉實有熱更加黃連黃芩或只加苦
花子退熱治瘡之妙藥也 若因剝割疫歿牛馬豬
羊齧悶身冷遍體俱有紫泡此疔毒也急灸泡處良
久遂甦卽以人參敗毒散加防風荆芥投之 若忽
然惡寒作嘔肩臂麻木手心瘙癢遂齧悶不自覺知
但有一泡此疔毒也急灸五十壯而甦又五十壯知
痛投以荆防敗毒散而愈古人謂暴歿多是疔毒急

用燈照徧身若有小瘡紫泡異常者卽是急灸其瘡
但是胸腹溫者可救 若因開割瘡歿牛馬豬羊之
毒或食其肉致發疥毒或在手足或在頭面或在胸
腹或在脇肋或在背脊或在陰脰或起紫泡或起堆
核腫痛創人發熱煩悶頭疼身痛骨節煩疼先用天
馬奪命丹次用四神丸解毒消瘡散次以七神散又
以萬病解毒丸劫瘡消毒散兼服朱墨丸并用祛瘡
散多用毛屎椹根磨水服或仙人著根磨水服如不
熱磨酒服大熱不退者宜用退熱消毒飲又要以箍
瘡散箍住不使走亂又以洗瘡散淋洗次以刷瘡散

塗刷若成瘡以揆瘡散揆之好膏藥貼之 若患疥
瘡始初不覺不會用前法出汗過數日外證皆罷或
在胸腹之間或在胸之下腫起此乃毒氣入裏所致
用霹靂火治之若服當歸散外證不解者亦急用霹
靂火發散 若疥瘡在兩脇間毒氣欲奔心乃危急
之證也可急於瘡尖上用艾炷灸三五壯仍於灸穴
前後左右鍼出少血灸瘡四圍有炮起吉無炮凶若
疔在虛軟不便處不可用鍼只可用松鍼法針斷紅
絲路若生兩脰間毒氣欲奔腎者用松鍼法於兩脰
紅絲路盡處針斷出血若生頭面上者可於項間紅

絲路盡處針斷出血若各處紅絲路亦有不現者亦
可以消詳用松針法針之凡用松針者蓋因紅絲路
不現無可下針故用此法於項下脇下腋膂虛軟之
處針斷紅絲路不使毒氣攻心攻腎而已 若手足
厥冷六脉俱絕者此毒氣已深氣血爲毒氣所併不
能通流故體冷而脉不見宜木香流氣飲連進數服
氣血通流脉自回矣然後依法治之萬不失一 內
疔之證與外疔並同亦發寒熱頭疼身痛但瘡形不
現不過數日胸背腹脇頸面手足間或有一處腫起
卽內疔所發之處急用霹靂

腫處出汗若身體寒熱雖未有腫起但腹痛甚者便
須作內疔證用後法治之不可緩也 治內疔蟾酥
須於取時用桑葉小錢大入蟾酥搗和得所丸如珍
珠大陰乾用

治驗

張嗣伯嘗聞屋中呻吟聲曰此勞甚重乃往
視之見一老姥稱體痛而處處有黯黑無數張還煮
斗餘湯送令服之服訖痛勢愈甚跳投牀者無數須
臾所黯處皆拔出釘長寸許以膏塗瘡口三日而復
云此名釘疽也 羅謙甫曰丙午歲予居藁城人多
患疔瘡縣尹董公謂予曰今歲患疔瘡者極多貧民

無力醫治近於史侯處得數方用之者無不效官給藥錢君當捨手治之遂諾其語董公榜示通衢命予施藥如此一年全活甚眾其用保生錠子千金托裏散神聖膏藥破棺丹凡四方 郭氏治一婦年近六十右耳下天聰穴間患一疔瘡其頭黑黯四邊泡起黃水時流渾身麻木發熱譫語時時昏沉六脉浮洪用烏金散汗之就以鉍針先刺瘡心不痛周遭再刺十餘下紫黑血出方知疼痛就將寸金錠子維入瘡內外用提丁錠子放於瘡上膏藥貼護次日汗後精神微爽却用破棺丹下之病即定其疔潰動後用守

効散貼塗紅玉錠子維之八日其疔自出矣茲所謂審脉證汗下之間治以次第如此視彼不察脉證但見發熱譫語便投涼藥與下或兼以香竄之藥遂致誤人者徑庭矣 薛已治一婦左手手指患疔麻癢寒熱惡心左半體皆麻脉數不時見曰凡瘡不宜不痛不可大痛煩悶者不治今作麻癢尤其惡也用奪命丹二服不應又用解毒之劑麻癢始去乃作腫痛薛曰勢雖危所喜作痛但毒氣無從而泄乃針之諸證頓退又用解毒之劑而瘥 蘇庠盛原博掌後患疔紅絲至腕惡寒發熱勢屬表證與奪命丹一服紅絲

頓消又用和解之劑大勢已退彼又服敗毒藥發渴發熱紅絲仍見脉浮大而虛此氣血受傷而然以補中益氣湯主之而愈蓋奪命既服瘡邪已散而復用敗毒之劑是誅伐無過失內經之旨矣 一儒者患疔元氣素弱薛補其氣血出膿而愈後因勞役瘡痕作癢乃別服敗毒散一劑以致口噤舌強手足搐搦痰涎上湧自汗不止此氣血復傷而復瘳也用十全大補加附子壹錢灌服而甦 一男子患疔服奪命湯汗不止瘡不痛熱不止便不利此汗多亡陽而真氣傷矣用參芪歸朮芍防五味二劑諸證悉退惟以小便不利爲憂薛曰汗出不利小便汗止則陽氣復而自利矣仍用前藥去防風加麥冬倍用黃芩當歸四劑而便行瘡潰而愈 表甥居富右手小指患疔色紫或云小瘡針刺出血敷以涼藥掌指腫三四倍黯而不痛神思昏憤煩躁不寧此真氣奪而邪氣實也先以奪命丹一服活命飲二劑稍可薛因他往或徧刺其手出鮮血碗許腫延臂腕焮大如瓠手指腫數倍不能潰薛用大劑參芪歸朮之類及頻灸徧手而腫漸消但大便不實時當泄氣此元氣下陷以補中益氣加骨脂肉蔻吳茱五味大便實而氣不泄又

日以人參伍錢麥冬參錢五味貳錢水煎代茶飲之
又用大補藥五十餘劑而漸愈此證初若不用解毒
之劑後不用大補之藥欲生也難矣 一人年二十
脣患疔四日矣有紫脉自瘡延至口內將及於喉薛
曰此真氣虛而邪氣實也若紫脉過喉則難治矣須
針紫脉併瘡頭出惡血以泄其毒則可乃別用解毒
之劑頭面俱腫求治甚篤薛曰先日之言不誣矣診
其脉洪數按之如無口內腫脹針不能入爲砭面與
脣出黑血碗許勢雖少退略進湯終至不起 都憲
張恒山左足指患之痛不可忍急隔蒜灸三十餘壯
卽能行步欲速愈或用涼藥敷貼遂致血凝肉死毒
氣復熾再灸百壯服活命飲出紫血毒纔得解脚底
通潰腐筋爛肉甚多將愈誤用生肌藥反助其毒元
氣虧損而不能愈薛治以托裏藥喜其稟實客處三
月餘方愈大凡疔患於肢節灸法有回生之功設投
以涼劑收斂腠理隧道壅塞邪氣愈甚多致不起若
毒未盡驟用生肌輕者反增潰爛重者必致危亡
一男子足指患疔腫焮痛赤用隔蒜灸人參敗毒散
加金銀花白芷大黃二劑痛止又用十宣散加天花
粉金銀花去桂數劑而愈 濮陽傳云萬曆丁亥金

臺有婦人以羊毛徧鬻於市忽不見繼而都人身生
泡瘤漸大痛歿者甚衆瘤內惟有羊毛道人傳一方
以黑豆蕎麥爲粉塗擦毛落而愈名羊毛疔
荆芥敗毒散方見腫瘍加菊花葉妙鮮者搗汁入藥尤良
治疔瘡

黃連

羌活

青皮

白殭蠶

防風

獨活

蟬蛻

細辛

赤芍藥

甘草節

獨脚茅

各等分

右咬咀每服伍錢先將壹服入澤蘭葉少許薑拾

錢重同搗爛熱酒和服然後用酒水各半盞薑叁
片煎服病勢退減後再加大黃少許煎服畧下
二行蕩去餘毒更用白梅蒼耳子研爛貼瘡上拔
去根脚

二活散

羌活

獨活

當歸

烏藥

赤芍藥

金銀花

連翹

天花粉

甘草節

白芷

各肆錢半

紅花

蘇木

荆芥

蟬蛻

乾葛

各叁錢

檀香

貳錢

右為細末每服參錢煎蒼耳湯調下

奪命丹

治疔瘡發惡心及諸惡瘡

蟾酥

乾者半錢酒化

硃砂

水飛參錢

輕粉

伍分

枯礬

寒水石

水飛各壹錢

銅綠

壹字

麝香

壹字

海羊

貳拾箇研即蝸牛也亦效

右件為細末將海羊另研為泥和藥一處丸如棗豆大如丸不就加好酒成之病輕者壹丸貳丸重者叁丸未效再服服時嚼葱白一大口極爛置手心放藥丸於葱內裹合以熱酒送下暖處卧取汗

出為效忌水水薛氏銅綠麝香沒藥乳香各壹錢

返魂丹

瑞竹

治十三種疔

硃砂

膽礬

各壹兩半

血竭

銅綠

蝸牛

生用

雄黃

枯白礬

各壹兩

輕粉

沒藥

蟾酥

各半兩

麝香

少許

右將蝸牛蟾酥研爛餘藥為細末同研和丸如鷄頭大每服壹丸令病人先嚼葱白叁寸吐在手心將藥丸裹在葱白內用熱酒壹盞吞下如重車行五里許有汗出即瘥如不能嚼葱研爛裹下極效

又返魂丹 經云汗之則瘡愈必用此藥汗之

乳香 沒藥 辰砂

雄黃 各壹錢半 輕粉 片腦

麝香 各伍分 海牛 即蝸牛也 蟾酥

青黛 粉草 硼砂 各壹錢

右為細末用海牛搗膏為丸如難丸加酒麪糊些少丸如彈子大每服壹丸無生葱頭二三箇細嚼嚥下疔腫及癰腫毒氣入膈者得微汗即解一方加銅綠寒水石輕粉枯礬各壹錢重

飛龍奪命丹 治疔瘡發背腦疽乳癰疽附骨疽一

切無頭腫毒惡瘡服之便有頭不痛者服之便痛已成者服之立愈此乃惡證藥中至寶病危者服之立可矣萬無一失此乃家傳之秘方一生受用不敢輕洩神速之驗即愈立効

輕粉 腦子 無亦可 麝香 各半錢

血竭 膽礬 寒水石 各壹錢

蟾酥 乾者酒化 乳香 沒藥

硃砂 為衣 銅綠 各貳錢 雄黃 叁錢

蝸牛 貳拾壹箇無亦效 蜈蚣 壹條酒炙黃去頭足

右為細末先將海牛連殼研為泥和前藥為丸如

菽豆大如丸不就入酒打麩糊爲丸每服貳丸先用葱白三寸令病人嚼爛吐於手心男左女右將藥丸裹在葱白內用無灰熱酒參肆盞送下於避風處以衣蓋覆之約人行五里之久再用熱酒數杯以助藥力發熱大汗出爲度

初覺貳丸卽消如汗不出重者再服貳丸汗出卽効三五日病重者再進貳丸卽愈如疔瘡走黃過心者難治之汗出冷者亦效矣如病人不能嚼葱搗碎裹藥丸在內熱酒送下瘡在上食後服瘡在下食前服服此藥後忌冷水黃瓜茄子油豬雞魚

肉濕麩一切發風發瘡毒類之物不可食之又忌婦人洗換狐臭白發白中此藥活人多矣

走馬赴筵丹 治疔瘡

沒藥 乳香 硼砂

硃砂 雄黃 輕粉 各叁錢

片腦 壹分 麝香 少許

右爲細末蟾酥汁和爲丸如黃米大每服壹丸溫酒送下

救生丹 治諸種疔瘡眼內火光出昏迷不醒
右於三月辰日採桑葉荆葉用竹針穿成孔用紙

裹封固陰乾至端午日研為細末用蟾酥和為丸如小豆大用時再以雄黃同藥壹丸研細放舌中汗出効

右奪命返魂等方皆蟾酥雄硃等攻毒之藥非發汗藥也而能發汗者乃追逐毒氣從腠理而出為汗故也

羅氏破棺丹

治瘡氣入腹危者

大黃

黃兩半生半熟

甘草

芒硝

各壹兩

右為細末煉蜜丸如彈子每服半丸食後溫酒化下或童溺半盞研化之忌冷水

又破棺丹

一方有當歸赤芍連翹牡蠣金銀花紫花地丁宜選用之

山梔

牽牛末

大黃

各壹兩

甘草

京三稜

炮各壹錢

右煉蜜丸如彈子大酒化服之

內托連翹散 疔瘡出時皮色不變及不疼痛按搖不動身發寒熱便是此瘡有水疔魚臍疔紫燕疔火疔諸般疔瘡如瘡黃於黃上用針刺仍服內托散自然消散

連翹

白芷

生地黄

赤芍藥

各壹兩

大黃

去皮

黃梔

去頂蒂

薄荷葉

各半錢

朴硝

貳兩

黃芩

去心半兩

甘草

壹兩半

右為麤末每服壹兩水壹碗燈心竹葉煎茶分其人喘加人參少許大病只參肆服愈如服了心煩嘔用不二散止之

甘草

半兩

棗豆粉

壹兩

右為末分作貳服酸壅水下

奪命丹

治疔瘡大便秘實不通者或心腹痛者

巴豆

去殼

大黃

各壹錢

鬱金

雄黃

乳香

各伍分

硃砂

黃丹

各叁分

輕粉

貳分

麝香

少許

蟾酥

不拘多少

右末麪糊為丸如棗豆大隨虛實服之茶清送下伍柒丸至玖丸止以利為度如無此丸以雄黃丸代之

雄黃丸

治證如前

巴豆

拾肆粒

麝香

少許

全蠍

牙皂

雄黃

天黃

鬱金

各壹錢

右末米糊丸如棗豆大硃砂為衣每服伍柒丸茶

清送下以利為度

追毒丸

海浮石

燒赤醋燂
柴次半兩

乳香

沒藥

各壹錢

巴豆

肆拾
攻粒

川烏

壹兩

右為末醋糊丸如桐子大若患二三日服拾丸五
六日服拾肆丸隨病上下服之先喫冷酒半盞或
壹盞又用冷酒吞下如嘔吞之不妨出藥依上服
之病人大便不動再用參丸如疔看得端的爪破
用頭垢留患處後服藥

五聖散

治疔瘡

皂角鉞

貳兩

栝萸

壹箇

大黃

金銀花

生薑

甘草

各壹兩

右咬咀用好酒貳升同煎至捌分去粗不拘時溫
服

奪命返魂散

治一切疔瘡增寒發熱昏悶不語腫

徧皮膚不思飲食

大黃

連翹

山梔子

已上各
貳錢半

研為
細末

巴豆

杏仁

各貳錢
麩皮同炒黑

色研為
細末

人言

伍錢用大蒜伍箇去心填
入人言同燒過性研為末

牽牛頭末

苦丁香

各壹錢

右為細末研勻每服半錢病重者服壹錢用新汲
井花水調下壹服見効如病重無脉者喫下藥約
一頓飯時吐了藥便醫不得吐不了藥即活

立馬回疔奪命散 治疔瘡及喉痺乳鵝腫痛大効

牡蠣 當歸 牛蒡子

白殭蠶 各半兩 大黃 壹兩

右咬咀每服半兩用青石磨刀水酒各壹盞煎去
滓連進貳服疔瘡服後出汗者生無汗者歿

御史散 治疔瘡

生鐵銹 參錢

為末木香磨酒調下分病上下食前食後服之得
微汗而愈

愚按此方乃秘法也未嘗試用常治疔瘡有赤絲
攻心腹者用鐵銹參錢牡蠣貳錢青鹽壹錢為末
挑破瘡頭以燈盞內油調搽其絲自回名喚回丹
但未用服考之本草云鐵鏽生鐵上衣也治惡瘡
疥癬蜘蛛等咬蒜磨敷之亦未云服家藏方用猫
兒眼草壹擔細切以水擔餘浸貳日煮百餘沸去
粗取汁煎至參肆碗用生鐵鏽細研末參兩徐徐
入汁內以鐵杖不住手攪再煎至貳碗許成膏子

表裏俱實
考前
表攻
裏

治一切癰疽瘡毒甚效療癰潰後塗瘡內尤效

防風通聖散腫瘍

加減通聖散 治疔瘡瘰癧氣紫游風等證

防風 荆芥 連翹

赤芍藥 當歸 川芎

桔梗 黃芩 梔子

甘草 青木香 玄參

牛蒡子 大黃 芒硝

紫金皮 鷄屎子 詐灰子

谷藤根 芙蓉根 嫩柏根

青玉叉

右薄荷生地黃煎服

追疔奪命湯 秘方速效能內消腫

羌活 獨活 青皮多用

防風多用 黃連 赤芍藥

細辛 甘草節 蟬蛻

殭蠶 腳連即雞爪黃連各等分 加河車

澤蘭 金銀花

有膿加 何首烏 白芷

要利加 青木香 大黃

牽牛

梔子

在脚加

木瓜 各等分

右咬咀每服伍錢先將壹服加澤蘭少用葉金銀花各壹兩生薑拾片同藥搗爛好酒釀之熱服不喫酒者水煎為妙然後用酒水各壹盞半生薑拾片煎至熱服汗出為度病退減後再加大黃貳錢煎至熱服再以利壹兩次去餘毒為妙此方以藥味觀之甚若不切然效速於神驗萬無一失累用累効如有別證再出宜隨證加減治之速効

若心煩嘔吐加

甘草節 壹錢

豆粉 酸漿水下

嘔逆惡心加

乳香

豆粉 甘草湯下

加減追疔奪命湯 治疔瘡及癰疽發背惡瘡焮赤

腫痛創人或紫游風赤游風並大效

防風

赤芍藥

連翹

羌活

獨活

細辛

青皮

殭蠶

蟬蛻

青木香

甘草節

金銀花

紫河車

獨腳蓮

右生薑澤蘭生地黃煎服 病勢退減加大黃取

利下參伍行去大黃

防風當歸湯

治疔瘡發熱大便實者

金銀花

山茨菰

青木香

當歸

赤芍藥

白芷

防風

荆芥

連翹

升麻

羌活

獨活

甘草

大黃

右薄荷生地黃煎服

雄麝湯

解疔毒如神

凡解毒不可無雄黃硃砂

雄黃

硃砂

麝香

乳香

另研各壹錢

白芷

茜草根

真菜豆粉

地丁草

各貳錢

牡蠣

殭蠶

牛蒡子

炒

大黃

金銀花

青木香

梔子

荆芥穗

朴硝

甘草

各壹錢

胡桃

貳箇去殼膜

右以白芷以後拾肆味細切用無灰酒壹碗浸少時搗細又加水壹碗同煎至壹碗去粗及濁脚入前雄黃等伍味調勻作壹服更審患處經絡分野依東垣引經瀉火藥加之尤妙欲利倍加大黃朴硝貳味臨後下 茜草卽過山龍地丁卽大薊也

滑瘡

解毒消瘡散

治疔瘡瘡氣發熱者

一二云剪刃草開黃花者名黃花地丁開紫花者名紫花地丁

柴胡

黃芩

黃檗

梔子

赤芍藥

當歸

連翹

大黃

青木香

紫金皮

詐灰子

青王叉

苦花子

嫩柏根

右薄荷生地黃煎服

劫瘡消毒散

治瘡氣腫痛發熱者及因剝割瘡

牛馬豬羊而中其毒者或因食瘡灰之肉而中其

毒者先服加減通聖散通利大便次服此藥

百丈光

即天瓢又名土人參

苦花子

金腦香

即社茶根梗葉俱可用

大小青

紫金藤

生藍葉

水圻根

烏苞根

嫩柏根

青王叉

山烏豆

鷄屎子

晚祥西

狸咬柴

土木香

臭木待

右薄荷煎服

腫勢甚加水金鳳水苦薺

手足

拘攣加鈞鈎藤根梭婆子根 發熱加吉面消毛

蕨根 小便不通加木通梔子

青黃消毒散 治疔瘡瘡氣服涼藥過劑沉而不發

不退者

雄黃 研

大小青 各壹兩

八角茴香 伍錢

右末陳酒調服又以醋和米泔塗患處一日服三次

四神丹 治因剝割瘡歿牛馬豬羊不避其氣以中

其毒或因食瘡歿牛馬豬羊之肉者或手足各處發疔毒或起紫泡或起堆核初則割入次漸腫大

疼痛不可忍瞽悶發熱口渴心煩四肢強痛頭目

昏花一切瘡毒並皆治之先服此藥次服切瘡消

毒散

苦花子

又名毛連子又名小葉金雞舌梗葉俱用

土木香

根名青木香梗

名天仙藤花名馬兜鈴

仙人薯

用根新鮮生者為妙乾者次之各貳兩

晚蠶砂 壹兩

右鋤碎搗水和煮粽汁冷服熱極加芭蕉心小便

不利加琉璃草又名耳環尻搗和前藥服之

七神散 治因剝割瘡歿牛馬豬羊以中其毒者或

因食瘡歿牛馬豬羊之肉而中其毒者或因蛇傷

之毒者

苦花子

紫金藤

金腦香

大小青

仙人薯

土木香

百丈光

即土人參

右薄荷煎去粗上碗調雄黃末服

萬全散 治瘴氣時毒疔瘡蛇犬咬等證

嫩柏根

水圻根

狸咬柴

烏苞根

青王叉

生藍葉

溪楓根

穿山蜈蚣

右薄荷煎服及調雄黃末服或合七神散更妙

七聖紫金錠

治疔瘡瘴氣時毒等證

土木香

苦花子

仙人薯

晚蠶砂

相花 各壹兩

硃砂

雄黃 各叁錢

右末秫米糊為丸以毛屎梯根磨水化下

硃墨丸 治疔瘡瘴毒

硃砂

京墨 各等分

右末以蟾酥汁為丸如梧桐子大每服貳丸以葱

白煎湯吞下日服壹貳次

祛瘴散 治疔瘡瘴毒蛇傷熱腹痛熱喉風並効驗

如神

苦花子

又名苦花

右搗水服夏月冷服冬月温服

天馬奪命丹 治疔瘡蛇傷犬咬鼠咬

青木香

土者根梗俱可用

右末每服壹錢蜜水調下凡治瘴氣蛇傷不可缺

此藥也

又方

土青木香

根梗葉同用生者佳

右搗水服夏月冷服冬月温服

世病解毒丸

治疔瘡癰疽發背腫瘍時毒狐狸毒

鼠莽毒丹毒驚毒瘡毒風毒熱毒蠱毒河豚疫歺

牛馬豬羊毒蛇犬蜈蚣蜂蠍百蟲螫咬毒湯火所

傷中惡邪氣無名腫毒菰毒砒毒藥毒瘡毒光粉

毒輕粉毒一切邪熱之毒悉皆治之

麝香

貳錢

硃砂

伍錢

山豆根

雄黃

續隨子

取仁

紫河車

獨脚蓮

各壹兩

紅牙大戟

壹兩

山茨菰

貳兩

五倍子

參兩

右末秫米糊和勻杵搗壹千餘下印作錠子隨意

大小每服壹錠井水磨化冬月用薄荷湯磨服日
可進貳參服

刷瘡散 治疔瘡瘡毒服藥後可用此藥刷塗

生藍葉 地薄荷 紫金藤

右搗米泔水暖刷患處次加蠶砂凌霄花鷄胆花
二花如無以葉代之

揆瘡散 治疔瘡瘡毒潰爛成瘡

柏樹皮 去外面
鹿皮 側柏葉 各等分

右細末以柏油先刷次揆末

洗瘡方

柏葉 朴葉 柳枝

連叉葉

右煎水淋洗之

羅氏托裏散 治一切發背疔瘡

黃芪 壹兩半 厚朴 川芎

防風 桔梗 各貳兩 白芷 壹兩

連翹 貳兩貳錢 芍藥 官桂

甘草節 人參 各兩 木香

沒藥 乳香 當歸 各半兩

右為細末每服參錢酒壹大盞煎貳參沸和香溫

服

治十三種疔皆以此法治之

以緋帛壹片裹藥取匝為限先用亂髮鷄子大攤布帛上牛黃如桐子大又以棘刺針貳拾壹枚赤小豆柒粒為末並布髮上捲緋綿作團外以髮作繩十字縛之置熨斗中急火燒灰研細以枸杞或子或根皮枝葉隨得為末用枸杞末貳七緋帛灰壹七共成參七研勻分貳服空心溫酒調下

連翹黃芪湯 治疔瘡因食瘴歠牛羊足生大疔如釘入肉痛不可忍者

金銀花

黃芪

當歸

連翹

甘艸

蜈蚣

壹條去頭足酒炙

右生薑煎服

治疔瘡陰證脉沉四肢冷瘡不發

右用五香散去大黃加蒼耳蓮肉酸棗仁藿香茯苓黃芪肉桂當歸防風白芷附子生薑半水半酒煎服以發藥性 如潮熱皮膚受毒加生大黃此胡地骨皮 如嘔逆脾胃受毒加丁香 如喘嗽肺經受毒加杏仁去皮尖 知母秦艸紫苑 如眼花心經受毒加硃砂雄黃麝香 如脚冷腎經受毒

加木瓜牽牛並鹽炒如發渴自汗肝經受毒加黃

芩山梔如大小便秘腹脹滿加枳殼炒木通苦

葶藶大黃生用

治疔瘡陽證潮熱心間霍亂或譫語六脉洪大

右用五香散熱不退而渴用不二散蛇牀子大黃

生為末以冷酒或冷水調貳錢止貳服使微利

羅氏保生錠子 治疔瘡背疽癰癤一切惡瘡

金脚信各貳錢 輕粉各貳錢 雄黃

礪砂各參錢 麝香壹錢半 蟾酥壹錢

巴豆肆拾玖粒另研文武火炮生用尤妙

右為細末用黃蠟伍錢溶開將藥和成錠子冷水

浸少時取出旋丸捏作餅子如錢眼大將瘡頭撥

開每用壹餅次用神聖膏後用托裏散若瘡氣入

腹危者服破棺丹世傳疔瘡必有壹條紅線可針紅線所至之處出毒血然後傳

不藥

滴滴金 治疔瘡

礪砂 輕粉 人言

雄黃 硃砂各壹錢 麝香少許

右為細末每用些少先以針刺開瘡頭貼藥黃水

出効

疔瘡錠子

硃砂 壹錢

白芷

雄黃

蒼耳子

甘草 各半

右為細末用蟾酥汁和作錠子如前法用須五月

五日合

回瘡錠子 治疔瘡大効

草烏頭 壹兩

蟾酥 柒粒

巴豆 柒箇

麝香 壹字

右為細末麪糊和就捻作錠子如有惡瘡透丁不痛無血者用針深刺至痛處有血出以此錠子

之上用膏藥貼之疔瘡四畔維之其疔三二日自然拔出此藥最宜緊用此證大抵與傷寒頗類其中亦有可針鑣砭射出血者亦有久而敗爛出膿者其間變異百端不可不慎也

神聖膏藥 羅氏 治一切惡瘡

當歸

藁本 各半

沒藥

乳香 各貳錢

白芨

琥珀 各貳錢

黃丹

黃蠟 各貳兩

白膠香 叁兩

巴豆 拾伍粒

木鼈子 伍拾箇

粉霜

膽礬 各壹錢

清油

槐柳枝 各壹百貳拾枝

石件壹處先將槐柳枝下在油內熬焦取出復下
餘藥熬勿至焦濾出却將油澄清下黃丹再熬成
膏用緋帛攤之立有神効

保命集治疗瘡奪命散

烏頭尖

附子底

蠍稍

雌黃

雄黃 各壹錢

蜈蚣 壹兩

礞砂

粉霜

輕粉 各伍分

砒 貳錢半

腦子

麝香 各少許

石為細末先以瘡出惡血以草杖頭用紙帶藥末
插入於內以深為度

郭氏寸金錠子 治疗毒惡瘡

硃砂 叁錢

黃丹

明礬 枯

砒霜

輕粉

花鹼

白芨 各壹錢半

蟾酥

腦子

麝香 各少許

右研極細末稠糊和為錠子用之

郭氏提丁錠子 又名透肉錠子 治疗瘡危篤發昏無治療

瘰

雄黃

硃砂 各貳錢

青鹽

砒霜 生

白丁香

蟬蛻 去翅足

輕粉 各壹錢 伍分

蟾酥

麝香 各壹錢

黃蠟

革麻子 叁柒粒

右為細末於銀器內或磁器先將蠟溶開和前藥丸如桐子大捻作餅子用針刺破疔瘡放壹餅子於瘡頭上又刺四邊五七下惡血出為妙却用軟膏貼之立驗內服首功玄黑散或蟾酥丸

郭氏守効散

點疔瘡惡肉

砒霜 生

白丁香

松香

輕粉

川烏

生礬 各貳錢

蜈蚣 壹條 焙乾

右為極細末鉍針刺破瘡口令血出唾津調藥貼之瘡上其根自潰

麝香蟾酥丸

治一切癰疽發背疔瘡內毒如未破

用針刺破搥藥在內膏藥貼之其瘡即潰

蟾酥

輕粉

乳香 各伍分

人言

雄黃 各壹錢

巴豆 拾箇去皮油

麝香 少許

寒水石 叁錢

右為細末滴水為丸作錠子如小麥粒大量瘡大小用之寒食麪糊為丸

追毒丹

取黃去疔頭追膿毒立効

蟾酥 乾用 酒化

硃砂

白丁香 無此味 加巴豆

輕粉 各壹 錢

雄黃

硃砂 為衣各 貳錢

蜈蚣 酒浸炙 乾黃

巴豆 赤粒去殼 不去油

右總為細末麪調水為丸如丸不就用酒打麪糊為丸如麥大兩頭尖入於針破口內用水沉膏貼之後用膏藥及生肌藥追出膿血毒物又如有黑陷漏瘡者四圍灸敗肉不去不生肌者不可治也亦用此藥追毒去灸肌敗肉生新肉愈矣小者用壹粒大者加用之病輕者不必用針只以手指甲爬動於瘡頂上安此藥水沉膏貼之其瘡即時紅

腫為度去其敗肉為妙

水沉膏

將白芨末放在盞內用水沉下去用紙貼之如用膏不可用生肌藥凡用拈點之藥用此膏圍貼則不傷好肉

海馬拔毒散 治疔瘡大効兼治惡瘡發背

海馬 貳箇 炙

穿山甲 黃土炒 去土

硃砂

水銀 各壹 錢

麝香

片腦 各少 許

雄黃 叁分

右末針破瘡口點藥入內一日一點大有効

芫花根膏 治魚臍疔瘡久治不瘥者

芫花根

壹兩

黑豆

叁合

豬牙皂角

伍挺

白礬

叁兩 煨研細

右用醋壹斗將前叁味先浸叁日於釜中以火煎至貳升去粗却入鐺中煎至壹升入白礬末攪令勻去火成膏但是魚臍丹惡瘡攤於帛上貼日二易之

治魚臍疔瘡

韭菜

連鬚葱

絲瓜葉

右入石鉢內搗爛如泥以酒和服以滓貼腋下如病在左手貼左腋下右手貼右腋下在左脚貼左胯右脚貼右胯如在中貼心臍並用布帛縛住候肉下紅絲處皆白則可如有潮熱亦用此法却用人抱住恐其顛倒則難救
四聖旋疔散 治疔瘡生於四肢其勢微者先以好醋調藥塗上以紙封之次服內托裏之藥其疔自旋出根

巴豆仁

伍分

白殭蠶

輕粉

礪砂

各貳錢半

右為細末醋調用之

拔毒散 治疔瘡

蜈蚣 壹條

鹽白霜

粉霜

膽礬

礪砂 各壹錢 另研

右為末和勻先用半骨針挑破頭點藥在上醋糊紙貼上其根一時自出

保生餅子 治諸疔等瘡

金脚信 貳錢

雄黃

礪砂 各叁錢

輕粉

麝香 各壹錢

巴豆 肆拾玖粒 熟去殼研

右為末和勻用黃蠟壹兩餅和藥成錠水浸少時取出用時始捻作餅如錢眼大以半角骨針挑瘡

頭按藥在上以醋糊紙貼之膏藥亦可黃水出為

効

濟生金砂散 取疔瘡

道人頭 微炒有性壹兩 卽蒼耳子

礪砂 叁錢 半

雄黃 叁錢

蟾酥 以多為妙

右將瘡四圍刺破以少油調藥末置於瘡內緋帛

封之數日疔自出如瘡入腹嘔逆者將蒼耳搗汁

飲之 一方但用礪砂雄黃等分研細用蜜調先破瘡頭去血入藥豆大在瘡口內紙花貼之亦

効

丹日本三藏傳疔瘡方江子肉拾粒半夏壹大顆研

末附子半枚 蜈蚣壹枚 各為末 四味臭麝香也 相和

看瘡大小以紙繩子圍瘡口以藥泥上又用絹帛

貼傳時換新藥以可為度此方活人甚多

鐵罐膏 治一切惡瘡內毒此藥止痛追火肉

桑柴灰

蕎麥稽灰

石灰

各壹碗

炭灰 少許

右用瓦罐壹箇底傍鑽穴壹箇塞住將前項灰填
在內用水注滿厚紙封固壹伏時用蘆筒插在罐
孔內淋之盡其水不用灰罐將淋灰水於鍋內慢
火熬用鐵片續續攪休教煇定鍋稀稠滴在水內

不散為度用鐵罐子盛之封了口或有諸般瘡及

腸風痔痛量瘡用之妙

濟蟾酥丹 治疔瘡取蟾酥以白麩黃丹搜作劑丸如

麥粒狀針破患處以壹粒納之

取蟾酥法用癩把破有稜止以手捻

出酥於油紙或桑葉上用竹篦刮下然後搗在背陰處自乾用之

又方用鍼刀鏃破疔頭以蟾酥傳之後用

野菊花

莎草根

甜菜葉

搗細以無灰酒盡量調服之酒醒疔化水即痛定
如熱除不必去疔亦自愈也

鐵粉散 專治冷疔瘡經久不効

多年生鐵參錢炒過松脂壹錢

輕粉各伍分麝香少許

右為細末用清油調搽瘡口立効

又方 治疗瘡

山茨菰 鍋鏽 生薑

江茶 鹽少許

用銀針撥開疔瘡即以前藥搭作餅子如大棋子放疔頭上甚者半月皮皺可醫不皺難治矣

雄黃散 治疗瘡

雄黃 礶砂 蒼耳草燒灰

右為末醋調數次將菊花搗爛薑汁調清者服之濃者傳之

追毒丸 治疗瘡發背

蝦蟇糞貳分 蘇蟲 雄黃

黃丹各壹分

右為末水丸如米大將瘡撥開頭入藥在內以膏藥貼之

三因蒼耳散 治一切疔腫神効用蒼耳草根莖苗子但取一色便可用燒灰存性研細用好米醋米泔澄定和如泥隨瘡大小塗上厚貳分乾即易之

不過十度卽拔根出須針破塗之

更加雄黃尤妙

治一切疔腫懸癰

右用蒼耳根莖苗但取壹束燒爲灰醋汁藍靛和如泥先以針刺瘡上及四邊數下令血出度藥氣可以入針孔中卽去血傳藥乾卽易之不過數度卽拔根出其未結膿者卽內消也已結膿破潰者再不用針刺只以藥塗之余以忽口角上生疔腫造甘子振家母爲貼藥經十日不瘥予以此藥塗之得愈常作此藥以救人無有不瘥者故特以傳後嗣疔腫方始有十首皆不及此雖齊州榮姥方

亦不能勝此物造次易得也

治一切疔腫

右用蒼耳草又名羊負來草只用根紅嫩者搗爛無灰白酒調勻服次用鹽梅肉研爛以豬膽汁和塗瘡頂上其毒卽散又先用好京墨以薑汁研爛用薑片蘸墨塗四圍腫熱處卽効一方用蒼耳根葉童便絞取汁令服壹升日三或燒灰和臘月豬脂傳一方用苗葉搗汁飲之一方用子或葉或根研爛以米醋脚調塗腫處立散仍研汁服以瘥爲度

治疔瘡

右於九月九日採芙蓉花葉陰乾研細用時以井花水調銀釵打成膏厚紙攤貼瘡上次日用蜻蜓螺卽鬼丁螺壹箇用銀器盛打破依前調藥却將蜻蜓螺放在瘡上貼待過週日揭起其疔自出立効其藥不要攤闊

治疔瘡

右用多年牆內或泥土中鏽釘洗淨以炭火內煨紅醋淬待冷用刀刮釘鏽又入火內煨紅入醋淬內前刮末再煨再淬再刮下末研爲細末用時將瘡口撥開挑藥末在內以膏藥貼之少時如病深取疔如病淺卽取出黑紫色血其瘡自愈

拔疔法

以黑牯牛牽於石塔上必撒糞候糞上生菌取焙乾與菴蕪艸葉等分爲細末先用竹筒兩頭去節一頭解十字路將不解頭套在疔上以線緊縛竹筒陷入肉內爲度以前藥末壹匙滴水和之放於筒內少時藥滾起則疔自拔起若壹次未効漸加度數其疔必拔也

拔疔方

治疔瘡不出者用此藥以拔出之

巴豆

半粒
去殼

磁石

右為末用葱涎同蜜為膏以傅瘡上疔瘡自出
神授療疔腫方

以緊磁石為末用酸醋調封於患處少時力拔出
疔神妙

世治疔瘡用麻內蛀蟲壹條研傅瘡上却用膏藥貼
之一飯時去膏藥其疔自出

麻蟲膏 治疔瘡

右將麻蟲壹條搗爛入好江茶和作餅子如錢眼
大以半角骨針挑瘡頭按藥在上醋糊紙貼之膏

藥亦可其毒出為効

蜚蠊膏 治疔毒

蜚蠊

參箇肚
白者佳

黃麻蟲

拾箇

右二味搗勻撥破患處貼之如患在手足間有紅
絲上臂絲盡處將針挑斷出血仍用前藥

愚按此方常用有効如無麻蟲亦効毒盛者更服
敗毒藥蜚蠊即屎蚋也

聖濟方 治疔瘡

蜚蠊

心腹下肉
稍白者

右捕取不以多少貼瘡上半日許未可再上之血

盡根出神効

治疔瘡最有功効用蟬蛻殭蠶爲末酸醋調塗四圍
留瘡口俟根出稍長然後拔去再用藥塗瘡海藏
方單用殭蠶爲末津調塗亦佳

又方 治疔瘡

蜈蚣爲末傅頭上四邊針刺碎紅腫上用鐵銹水
紫花地丁草末圍四邊腫上卽紫花鹿躑草紅腫
外好肉上用生薑自然汁調船灰末傅好肉上

又方 治疔腫

先以針撥破四畔中間用海蜈蚣末水丸豆大傅
於瘡頭上再用箭頭草末傅四畔紅肉上外又用
舊船灰燒末爲生薑自然汁調傅後再用濕絲綿
貼中間用手揭去疔蓋再將蜈蚣末水調傅之

又方 治疔瘡

大黃壹大塊及東壁土汲新井水入於砂碗內磨
濃厚塗腫上中心留一竅如錢眼大出熱氣經宿
立愈如乾再用水潤之

又方 治疔瘡

雄黃壹錢就瓦上煨焦黃爲末以病人尿調傅疔
上一時拔出如發熱欲死者將大黃菊花研汁灌

上若冬間取根搗汁亦可

玉山韓光方 治疔腫

右以艾蒿壹擔燒作灰於竹筒中淋取汁以壹貳合和石灰如麩漿以針刺瘡中至痛即點之點叁次其根自拔亦大神效正觀中用治叁拾餘人得瘥

衍苦苣擣汁傳疔瘡殊驗青苗陰乾以備冬月為末

水調傳本草云取苦苣莖中白汁傳疔腫出根又取汁滴癰上立潰

疔瘡用白蘗為末水調傳之聖惠方

聖治疔瘡甚者用附子末醋和塗之乾再塗千金方同

丹琥珀膏方見癰疽下雜方條

水沉膏 治疔瘡

白果根新鮮生者佳

右以米醋磨濃澄脚以油紙攤貼及用酒磨服

敷疔膏 治疔瘡及無名腫毒瘡氣等證

生藍葉不拘多少洗淨

右以搗爛敷貼患處以梗煎酒服

又方

毛屎梯葉

右生採新鮮者搗米泔水暖刷及以根磨米泔水

暖服

又方 治一切惡瘡毒肉不出

用烏梅壹味燒灰為末傅上惡肉立盡矣

灸疔瘡法 取掌後橫紋後五指男左女右崇壯即

瘡屢効

初虞世云疔瘡於所屬經絡各瀉之 疔瘡者必發

於手足之間生黃疱其中或紫黑色有壹條如紅

線直上倉卒之際急宜以針於紅線所至處刺出

毒血然後以蟾酥乳香膏等藥於正瘡上塗之針

時以病者知痛出血為好否則紅線入腹攻心必

致危困矣

百一 治疔腫以針刺四畔用石榴皮末着瘡上調麩

圍四畔灸痛為度調末傅上急裏經宿連根自出

松針法 取向北松枝上葉極硬者頓齊作一束扎

令極緊緩緩以意消詳毒氣所經行虛軟處針之

須令出血時先用酒潤下針處必小痛令病人稍

忍仍用雄黃末入麝香少許以溫酒調下一二服

與之服後方下松針針之

治疔瘡毒氣入腹多嘔吐欲死者即服內托香粉散

滴乳半兩另研真菉豆粉壹兩為細末煎生甘草

入腹

湯調參錢時時飲之常令灌潤胸膈一方用雄黃

等分爲末
水調服

百二散又名護
心散

治發疔瘡煩躁手足不住發狂者

急宜服之

甘草節

菜豆粉

硃砂各等分

右爲細末每服參錢熟水調下

疔瘡入腹嘔者煎道人頭濃汁飲之

治疔瘡毒氣入腹昏悶不食

紫花地丁

蟬蛻

貫仲各壹兩

丁香

乳香各貳錢

右爲細末每服貳錢空心温酒下

紫花地丁麥熟時有之開紫花

質甚脆如蒲公英狀但蒲公英開黃花地丁開紫花

瑞治疔瘡危篤者二服卽愈輕者一服立効

土蜂房

壹小窠全本草云土蜂房有毒利大小便

蛇蛻壹條全

右作一處器皿中盛用黃泥封固火煨存性研爲

細末每服壹錢空心好酒調服少頃腹中大痛痛

止其瘡已化黃水矣仍服五聖散

大黃

甘草各壹兩

生薑

阜角針

金銀花各貳兩

栝萸壹箇

右咬咀用好酒貳升同煎至捌分去查不拘時服

治疔瘡最驗用蒼耳臭牡丹各壹大握搗爛新汲水
或順流水調服壹碗瀉下黑水即愈

疔黃藥

用蟾酥飛羅麩為丸如梧桐子大可將壹丸放在
面前舌下即時黃出

破棺丹 治疔黃走亂不止

當歸

赤芍藥

山梔子

牽牛

連翹

牡蠣

金銀花

紫花地丁

京三稜

甘草

便秘加大黃

各貳兩 參兩

右為細末煉蜜和丸如彈子大每服壹丸食前用

童便化開服忌飲酒及生冷硬物

立馬回疔丹 治疔瘡走亂不止

金脚信

蟾酥

血竭

硃砂

沒藥

輕粉

龍腦

麝香

各壹錢 各壹字

右為細末用生草烏頭汁和作錠如麥子大用時

將瘡頂刺破將藥壹錠放瘡口內第二日瘡腫是

効

治疔走了黃打滾將灰者

牡蠣 大黃 山梔子

金銀花 木通 連翹

牛蒡子 地骨皮 乳香

沒藥 皂角刺 栝萼

右各等分剉碎每服半兩氣壯者加朴硝用水壹

碗酒半碗煎壹服定愈

蟾酥走黃丸 治疔瘡走黃

硃砂研 黃丹飛 白麪各等分

右末取蟾酥搜作劑丸如麥粒大先刺瘡口次安

壹粒在瘡口內仍以水沉膏貼之又以五七丸葱

湯吞下發汗即愈

危困 迴瘡蟾酥錠子 治疔瘡毒氣攻心欲死以針刺其

瘡向心行處但覺痛有血處下錠子若累刺至心

側近皆不痛無血者急針百會穴痛有血者下錠

子若無血以親人熱血代之猶活三四况瘡初發

無有不効大抵疔瘡生於四肢及胸背頭項骨節

間唯背頭項最急初生痛痒不常中陷如釘蓋

撼之有根壯熱惡心是也

天南星 款冬花 巴豆仁

黃丹 白信各壹錢 獨活伍分

疥瘡
蟹螯去頭足拾箇

右為極細末用新蟾酥和藥如黍米大撚作錠子每遇疥瘡先以針刺其瘡必不知痛有血出者下錠子如覺痛不須再用若更不知痛再隨瘡所行處迎奪刺之至有血知痛即止其原瘡亦覺疼痛以膏藥貼之膿出自瘡用錠子法度以銀作細筒子壹箇約長三寸許隨針下至瘡痛處復以細銀絲子內藥於筒內推至痛處

肘後犯疥腫垂歎菊花葉壹握搗絞汁壹升入口即活此神驗亦用其根丹溪云根莖葉花皆可紫梗者佳

疥腫困重生搗蒼耳根葉和小兒尿絞汁冷服壹升

日三服甚驗

以并化毒丸 治內疔

硃砂

雄黃各壹錢

蟬蛻拾枚

硼砂生

輕粉各伍分

麝香壹分

片腦半分

右末取蟾酥為丸如菽豆大每用壹丸放舌上含化取涎化後以井水漱淨無此丸用單蟾酥代之亦可

霹靂火 治內疔之證發汗之妙方也凡疔瘡始覺

不曾服出汗之藥過數日間外證皆罷或在胸腹
或在脇肋赤焮腫起此乃毒氣入裏內疔之所發
也宜用此法出汗毒氣方能出也
先置水桶壹箇鐵銚壹箇令病人側卧於桶上四
圍以衣衾蓋護勿令泄氣却以鵝卵石火燒極紅
放銚內以銚安桶內以醋投於銚內淬之熏蒸出
汗未透再加火力再淬之須令腫處汗透不必徧
身出汗也

